

賜板

訂正東醫寶鑑

十八

婦人

雜病篇十

ヤ 9

905

20



門 9
號 905
卷 20

9
653

訂正東醫寶鑑雜病篇卷之十

御醫忠勤貞亮扈聖功臣崇祿大夫陽平君臣許浚奉教撰

婦人

求嗣

生人之道始於求子求子之法莫先調經每見婦人之無子者其經必或前或後或多或少或將行作痛或行後作痛或紫或黑或淡或凝而不調不調則血氣乖爭不能成孕丹心 ○求嗣之道婦人要經調男子要神足又寡慾清心為上策寡慾則不妄交合積氣儲精待時而動故能有子是以慾寡則神完不惟多子抑亦多壽門入 ○男子陽精微薄則雖遇血海虛靜流而不能直射子宮多不成胎蓋因平時嗜慾不節施泄太多宜補精元兼用靜工存養無令火動候陽精充實依時而合一舉而成矣入門 ○男子陽脫痿弱精冷而薄宜固本健陽丹續嗣丹溫腎丸五子衍宗丸入門 ○男子

東醫寶鑑雜病篇卷之十

脈微弱而澀為無子精氣清冷也宜陽起右丸
經女宜鼓動微陽宜玉鑰啓榮丸蠡斯丸煖宮
蠡斯丸。婦人無子多由血虛不能攝精宜調養
經血宜百子附歸丸琥珀調經丸加味養榮丸加
味益母丸濟陰丹勝金丹調經種玉湯先天歸一
湯神仙附益丹調經養血丸溫經湯。婦人陰血
衰弱雖投真精不能攝入子宮雖交不孕雖孕不
育是以男女配合必當其年入門。無子婦人瘦
怯者乃子宮乾澀宜滋陰養血四物湯。方見血門
加香附黃芩肥盛軀脂滿溢子宮宜行溼燥痰南
星半夏川芎滑石防己羌活
或導痰湯。方見痰門。丹心

相女法

未辨之婦陰氣未完慾盛之婦所生多女性行
刑重顏容美者福薄太肥脂滿子宮太
瘦子宮無血俱不宜孕不可不知。入門
求嗣之脈專責於尺。右尺偏旺火動好色。左
尺偏旺陰虛非福。惟沈滑勻易為生息。微澀

脈法

精清兼遲冷極。若見微濡入房無力。女不好
生亦入脈瀦。回春。男子脈微弱而澀為無子精
氣清冷也。脈經

固本健陽丹

凡人無子多是精血清冷或房勞過傷
以致腎水欠旺不能直射子宮故爾豈
可專責於母血之不足虛寒耶熟地黃山茱萸各
二兩巴戟二兩兎絲子續斷酒浸遠志製蛇床子
炒各一兩半白茯苓神山藥酒蒸牛膝酒洗杜仲酒
洗切酥炒去絲當歸身酒洗肉苁蓉酒浸五味子
益智仁鹽水炒鹿茸酥炙各一兩加枸杞子三兩
人參二兩右為末蜜丸梧子大空心鹽湯或溫酒
下五七十九丸臨
臥再服。回春

續嗣丹

無子宜服山茱萸黃天門冬麥門冬各二兩半
破故紙炒四兩兎絲子枸杞子覆盆子蛇床
子巴戟熟地黃韭子炒各一兩半龍骨黃芪牡蠣
山藥當歸瑣陽各一兩人參杜仲各七錢半陳皮

白朮各五錢黃狗外腎酥炙二對為末用紫河車一具蒸製同門冬地黃爛搗他藥並為細末煉蜜和勻搗干杵作丸梧子大每取百丸空心及臨臥以溫酒或鹽湯任意吞下入門

溫腎丸

服之有子山茱萸熟地黃各二兩巴戟二兩兔絲子當歸鹿茸益智杜仲生乾地黃茯苓神山藥遠志續斷蛇床子各一兩右為末蜜丸梧子大空心溫酒下五七十九丸精不固倍鹿茸加龍骨壯蠟入門

五子衍宗丸

治男子無嗣枸杞子九兩兔絲子酒浸製七兩覆盆子五兩車前子三兩五味子一兩右搗為末蜜丸梧子大空心溫酒吞下九丸臨臥鹽湯吞下五十九丸春丙丁巳午夏戊己辰戌丑未秋壬癸亥子冬甲乙寅卯辰巳午晴日食忌見僧尸寡女孝子六畜不淨之物廣嗣。遺精者去車前子代蓮子入門

陽起石丸

治丈夫精冷真精氣不濃不兆施是以無蒸焙天雄炮韭子炒肉苁蓉酒浸各一兩覆盆子酒浸石斛桑寄生沈香原蠶蛾酒炙五味子各五錢右為末酒煮糯米糊和丸梧子大空心鹽湯下七十九丸得效

玉鑰啓榮丸

治婦人無子香附子搗去皮毛醋水浸三日炒乾細末十五兩當歸二兩白芍藥川芎赤石脂藁本人參牡丹皮白茯苓白薇桂心白芷白朮玄胡索沒藥各一兩右除石脂沒藥外餘藥剉酒浸三日焙乾為末足十五兩重羅極細入別研赤石脂沒藥末煉蜜和丸彈子大每取一丸空心雞未鳴時先以溫茶或薄荷湯漱口後細嚼溫酒或白湯送下以乾物壓下服至一月即效廣嗣。一名女金丹無桂心有熟地黃治婦人無子或無痰火等疾經候亦調容顏不減但久無孕乃子宮有陰無陽不能生發宜服此鼓動微陽一月即效或赤白帶下崩漏及血風血氣虛勞諸

證無所不洽真女
中金丹也 八門

僉斯丸

經補受補者服之七日即交合孕後勿服香附
子白薇半夏白茯苓杜仲厚朴當歸秦艽各
二兩防風肉桂乾薑牛膝沙參各一兩半細辛人
參各二錢三分右為末煉蜜和丸梧子大空心酒
下五七丸 八門

媛宮僉斯丸

婦人無子者服之厚朴一兩二錢半吳
茱萸白茯苓白朮白蘇石菖蒲白附子
桂心人參沒藥各一兩細辛乳香當歸酒浸牛膝
酒洗各七錢半右為末蜜丸小豆大酒下一二十
丸壬子日修合 〇 集畧

百子附歸丸

久服有孕及治月水參差不調四製香
附末十二兩 製法見肥門
當歸熟地黃阿膠珠陳艾葉各二兩右為末用石
榴一枚連皮搗碎煎水打糊和丸梧子大每百丸

空心醋湯下 廣嗣 〇 一名百子建
中丸無石榴一味始終忌鐵 廣嗣

琥珀調經丸

治婦人胞冷無子能令經正香附末一
斤分作二包用童便朱醋各浸九日和
淨熟艾四兩拌勻再加醋五碗入砂鍋內同煮乾
為度入川芎當歸白芍藥熟苧生苧沒藥各二兩
琥珀一兩右為末醋糊和丸梧子大
每百丸空心以艾醋湯吞下 八門

加味養榮丸

治經脈來前外潮內煩咳嗽食少頭昏
目眩帶下血風血氣久無嗣息一切瘵
火等證服之有孕又治胎前胎動胎漏常服可無
小產之患熟地黃當歸白朮各二兩白芍藥川芎
黃芩香附子各一兩半陳皮貝母白茯苓麥門冬
各一兩阿膠七錢甘草五錢黑豆炒去皮四十九
粒右為末蜜丸梧子大空心溫酒或
鹽湯下七九丸忌食諸血 八門

加味益母丸

服之百日有孕益母州半斤加當歸赤
芍藥木香各二兩右為末蜜丸梧子大

白湯下百丸

濟陰丹

治婦人久冷無子及數經墮胎皆因衝在虛損胞內宿挾疾病經候不調或崩漏帶下三十六疾皆全孕育不成以至於絕嗣亦治產後百病命人者有孕及生子子允實無病蒼木八兩香附子熟地黃澤蘭各四兩人參桔梗蚕退石斛藁本秦艽甘艸各二兩當歸桂心乾薑細辛牡丹皮川芎各一兩半木香白茯苓京墨燒桃仁各一兩川椒山藥各七錢半糯米炒一升大豆黃卷炒半升右爲末煉蜜和勻兩作六丸每服一丸

勝金丹

治月水衍期久無嗣息及血癖氣痛百般諸疾牡丹皮藁本人參當歸白茯苓赤石脂白芷肉桂白薇川芎玄胡索白芍藥白朮各一兩沈香甘艸各五錢右爲末蜜丸彈子大每服一丸空心溫酒嚼下服二十丸當有孕得效

調經種玉湯

治婦人無子多因七情所傷致經水不調不能受孕熟地黃香附子炒各六錢當歸身酒洗吳茱萸黃川芎各四錢白芍藥白茯苓陳皮玄胡索牡丹皮乾薑炒各三錢官桂熟艾各二錢右剉分作四貼每貼入薑三水煎空心服待經至之日服起一日一貼藥盡交媾必成孕矣此藥百發百中 醫鑒

先天歸一湯

當歸酒洗一兩二錢白朮麩炒白茯苓生地黃酒洗川芎各一兩人參白芍藥牛膝酒洗各八錢縮砂炒香附子牡丹皮半夏各七錢陳皮六錢甘艸四錢右剉分作十貼薑三水煎空心服渣再煎歸臥服經末先行先服五貼經行後服五貼藥盡即效經調脉和即當有孕矣 醫鑒

神仙附益丹

香附米一斤童便浸透水洗露一宿再浸再露再晒如此三次用好醋浸透一宿晒乾爲末。益母艸十二兩東流水洗淨烘乾爲末右別以香附四兩艾葉一兩煮取汁用三分

醋七分和前一末為丸梧子大空心臨臥淡醋湯下七丸十丸不惟治婦人百病而生育之功效如神醫鑒

調經養血丸

治經脈不調久不受孕香附子十一兩酒醋鹽湯童便各浸三日焙當歸酒洗白芍藥酒炒生乾地黃酒洗牡丹皮酒洗各二兩川芎白茯苓白芷乾薑炒肉桂紅花桃仁沒藥半夏油炒阿膠珠各一兩玄胡索六錢蓬朮煨醋炒甘艸炙各五錢茴香炒二錢右為末醋糊和丸梧子大空心白湯或溫酒下百丸有孕勿服

溫經湯

治衝任虛損月事不調或前或後或多或少或停畱唇口乾燥五心煩熱小腹冷痛久不受胎方見胞門一名調經散正傳一名大溫經湯方男子陽旺則能直射子宮種子之仙方也又治男子精冷無子兒絲子酒浸煮製細末雀卵清

又方

為丸梧子大每七十九丸空心溫酒送下用之屢驗年五十五及陽痿者每免絲子末一斤加天雄四兩剉累煨熟去皮臍切作四片重浸透慢火焙乾為末同丸服之尤效種杏
戊戌酒治婦人久冷無子飲之最驗方見雜方
○雀肉久食令人有子本州
○男子無嗣者多灸臍中有效綱目

胎孕

凡欲求嗣必先視其婦之經脈調否其或末調必以藥而調之經脈既調宜以人事副之按其法而行之庶不失其候也蓋婦人月經方絕金水纔生此時子宮正開乃受精結胎之候妙合太和之時過此佳期則子宮閉而不受胎矣正傳
○月經行後一日二日五日交會者成男二日四日六日交會者成女過此則不孕矣亦要在子時後方可也
○婦人經水來時有兩日半淨者三日而淨者亦有女人血旺氣盛六七月淨者但觀寶田經水之顏色何如耳乃以潔白之物或綿或帛夾之

于戶口取而具之，金色者佳期也，鮮紅者未淨不及也，淺淡者太過也，惟以敗血去淨，新血生如金者為佳期，此時交合無不成矣。回春。夫人之始生也，血海始淨，一日二日三日，精勝其血，則為男子；四日五日六日，血脈已旺，精不勝血，則為女子。乃二物相薄，長先身生，謂之神，又謂之精，道與釋二門謂之本來面目是也。東垣。○欲求子者，但待婦人月經絕後，一日三日五日，擇其旺相日，如春甲乙夏丙丁秋庚辛冬壬癸，以生氣時夜半後乃施，瀉有子皆男，必壽而賢明。二日四日六日施瀉，有子必女，過六日後勿為施瀉，可也。得效

陰陽交合避忌

凡男女交會當避丙丁日及弦望晦朔，大風大雨大霧大寒大暑大雷電大霹靂，天地晦冥日月薄蝕虹霓地動，則損人神，不吉。損男百倍，令女得病，有子必癩痴頑愚瘡癩聾聵，寧跛盲眇多病短壽不孝不仁。又避日月星辰火光之下，神廟佛寺之中，井竈圍廁之側，塚墓尸柩

十月養胎

之傍皆所不可。夫交合如法，則有福德，大智善人降誌胎中，仍令性行調順，家道日隆。若不如此法，則薄福愚痴惡人來託胎中，令性行凶險，所作不成。家道日否，禍福之應，有如影響，可不戒哉。千金

婦人懷胎一月之時，足厥陰脈養。○二月足少陽脈養。○三月手心主脈養。○四月手少陽脈養。○五月足太陰脈養。○六月足陽明脈養。○七月手太陰脈養。○八月手陽明脈養。○九月足少陰脈養。○十月足太陽脈養。○諸陰陽各養三十日，活兒手太陽少陰不養者，下主月水上為乳汁，活兒養母。○四時之令，始于春木，故胎養始於肝膽也。良方。妊婦不可灸刺其經，必墮胎。良方

足厥陰脈養胎，夫人之有生也，母之血空方開，父之精潮適至，陰幕既翳，如布袋絞紐而精血乘衝氣自然旋轉不息，如蜣螂之滾糞，吞啖含受成一團圓，璇璣九日一息不停，然後陰陽大定，玄黃相包，外似纏絲，瑪瑙其中自然虛成一竅，空洞虛圓與雞子黃中一穴相似，而團圓之外氣自凝

一月

結爲胞衣初薄漸厚如彼米飲豆漿面上自結一
皮中竅日生從無入有精血日化從有入無九日
之後次九又九凡二十七日期成一十月之數竅自
然凝成一粒如露珠然乃太極動而生陽天一一生
承謂之胚此月經閉無潮無痛飲食稍
異平且不可觸犯及輕率服藥入門

二月

足少陽脉養胎又三九二十七日期此
露珠變成赤色如桃花瓣子乃太極靜而生陰
地二一生火謂之胎此月腹中或動或不動猶可狐
疑若吐逆思酸名曰惡阻有孕明矣或偏嗜一物
乃一藏之虛如愛酸物乃肝
藏正能養血而虛也入門

三月

手少陰心包絡脉養胎又三九二十七日期
月數百日間變成男女形影如清鼻涕中有白
絨相似以成人形鼻與雌雄二器先就分明其諸
全體隱然可悉斯謂之胎乃太極之乾道成男坤
道成女也此時胎最易動
水丸方見下頻服最妙入門

四月

手少陽二焦脉養胎是月男女已分始受水精
以成血脉形像具六府順成若胎動下血宜用
安胎飲方見下入門

五月

足太陰脾脉養胎始受火精以成陰陽
之氣筋骨四肢已成毛髮始生入門

六月

足陽明胃脉養胎始受金精以成筋
目皆成若胎動宜安胎飲入門

七月

手太陰肺脉養胎始受木精以成骨
皮毛已成遊其竟能動左手入門

八月

手陽明大腸脉養胎始受土精以成皮膚骨形
骸漸長九竅皆成遊其竟能動右手入門

九月

足少陰腎脉養胎始受石精以成
皮毛百節畢備二轉其身入門

十月

足太陽膀胱脉養胎受氣足五藏六府齊通納
天地氣於丹田使關節人神皆備待時而生
惟手少陰手太陽無所專主者以君主之官無爲
而已其有延月而生者富貴而壽有月不足者

貧賤而夭。一云延月。而產必生貴子。入門。

妊娠脉

婦人足少陰脉動甚者，妊娠也。內經。全元起。作足少陰。王水本作手少陰。全本為是。動甚者，動搖太甚也。綱目。陰搏陽別，謂之有子。註曰：陰謂尺中，也。搏謂搏觸於手也。尺脉搏擊與寸脉殊別。陽氣挺然，則為有妊之兆。何者？陰中有別陽故也。內經。經脉不行，已經三月者，尺脉不止者，是胎也。同春。脉滑疾重，以手按之，散者胎已三月也。脉重手按之，不散但疾不滑者，五月也。婦人三部脉浮沈正等，按之無絕者，妊娠也。脉經。妊娠八月，一云六七月，脉實大牢強弦緊者，生沈細者，死。○妊娠脉細勻易產。

大浮緩氣散難產。脉經。婦人二三月經不行，疑是兩身，卻疑血滯心煩，寒熱恍惚，宜用神方驗胎散驗之。海藏。○艾醋湯亦可。驗醫鑑。

驗胎法

婦人二三月經不行，疑是兩身，卻疑血滯心煩，寒熱恍惚，宜用神方驗胎散驗之。海藏。○艾醋湯亦可。驗醫鑑。

神方驗胎散

真雀腦芎一兩當歸全用重一兩者，只用七錢。右二味細末，分作二服，濃煎好。

艾湯一盞調下，或好酒調下。二三日間覺腹臍微動，仍頻即有胎也。動罷即愈。如不是胎，即不動。如不覺效，再煎紅花湯調下，必有神效。海藏。

艾醋湯

驗胎有無，以好醋煮艾葉，服半盞。腹中大痛是孕，不痛無孕。醫鑑。

辨男女法

婦人有孕，令人摸之，如覆盂者，則男也。如肘頸參差起者，女也。脉經。○婦人有娠，左乳房有核是男，右乳房有核是女也。醫鑑。○遺孕婦面

南行，還復呼之。左面首者是男，右面首者是女。○看妊婦上圓時，夫從後急呼之。左面首者是男，右面首者是女。蓋男胎在左，則左重，故面首時慎護重處而就左也。女胎在右，則右重，故面首時慎護重處而就右也。推之於脉，其義亦然。胎在左，則血氣護胎而盛於左，故脉亦從之。而左疾為男，左大為男也。胎在右，則血氣護胎而盛於右，故脉亦從之。

之而右疾為女右大為女也

陰陽之理自然如是脈經

脉法

婦人妊娠四月欲知男女之法左疾為男右疾為女俱疾為生二子謂俱滑而疾也脈經 ○尺脉

左偏大為男右偏大為女左右俱大產二子脈經
○左手沈實為男右手浮大為女左右手俱沈實
猥生二男左右手俱浮大猥生二女脈經 ○男女
之別以左右取左疾為男右疾為女沈實在左浮
大在右右女左男
可以預剖脈訣

雙胎品胎

成胎以精血之後先分男女者褚澄之論也
愚竊惑焉東垣曰經斷後一二日精勝血者
成男四五日血勝精者成女此亦未瑩易曰乾道
成男坤道成女夫乾坤陰陽之性情也左右陰陽
之道路也男女陰陽之儀象也父精母血因感而
會精之泄陽之施也血能攝之陰之化也精成其
子此萬物之資始於乾元也血成其胞此萬物之
生於坤元也陰陽交媾胎孕乃凝胎之所居名曰

子宮一系在下上有一兩岐一達於左一達於右精
勝其血及剛日陽時感者則陽為之主受氣於左
子宮而男形成精不勝血及柔日陰時感者則陰
為之主受氣於右子宮而女形成矣或曰分男分
女吾知之矣其有雙胎者何也曰精氣有餘岐而
分之血因分而攝之故也若夫男女同孕者剛日
陽時柔日陰時感則陰陽混雜不屬左不屬右受
氣于兩岐之間者也亦有三胎四胎五胎六胎者
猶是而已或曰其有男不可為父女不可為母與
男女之兼形者又若何而分之耶曰男不可為父
得陽氣之虧者也女不可為母得陰氣之塞者也
兼形者由陰為駁氣所乘而為狀不一以女兼男
形者有二三則遇男為妻遇女為夫一則可妻而
不可夫又有下為女體上具男之全形此又駁之
甚者也或曰駁氣所乘獨見於陰而所成之形又
若是之不同耶予曰陰體虛駁氣易於乘也駁氣
所乘陰陽相混無所為主不可屬左不可屬右受
氣於兩岐之間隨所得駁氣之輕重而成形故所

兼之形有不可得而同也。丹溪。○丹溪此論極造精微。綱目。○又法左右尺脉俱沈實為生一男不爾。女作男生左右尺脉俱浮大為生一女。不爾。男作女生也。此乃男女兼形之說也。綱目。

轉女為男法

得效。○始覺有孕以斧置孕婦床下勿令知之。若不信待雞抱卵以斧懸窠下則一窠盡是雄雞可驗。入門。○石雄黃一兩絳囊盛帶孕婦左腰間。○弓弩弦一枚絳囊盛帶孕婦左腰間。○萱草花一名宜男。妊婦佩之。○雄雞長尾拔三莖置孕婦臥席下勿令知。○取夫頭髮手足爪甲鋪孕婦席下勿令知。良方。○惡阻謂嘔吐惡心頭眩惡食擇食是也。綱目。○婦人不能食無寒熱名妊娠於法六十日實有此證設有醫治逆者卻一月加吐下者則絕之。註曰絕者絕其醫治候其自安也。仲景。○妊娠稟受怯弱

惡阻

便有阻病其狀顏色如故脈息和順但覺肢體沉重頭目昏眩擇食惡聞食氣好食鹹酸甚者或作寒熱心中潰悶嘔吐痰水恍惚不能支持巢氏謂之惡阻。良方。○惡阻者或大吐或時吐清水惡聞食臭由子宮經絡絡於胃口故逢食氣引動精氣衝上必食吐盡而後精氣乃安亦有誤交合而子宮穢盛者過百日即愈。入門。○妊娠之初經脉內閉育養胎息腸胃沮散入焦膈若素有痰飲則飲與血搏食飲輒吐頭目旋暈憎聞食氣喜啖酸鹹四肢倦怠多臥少起厭厭困懶名曰惡阻已產之後胞外餘血敗瘀流利名曰惡露蓋惡者不善不淨之義阻者阻節之阻血搏痰飲當漸消之露者露水之露當急逐之由是而知胎前日惡阻產後日惡露古人命名之意深有以也。易簡。○惡阻謂有孕而惡心阻其飲食者是也多從痰治肥者有痰瘦者有熱。丹心。○瘦人熱肥人痰俱宜二陳湯。方見痰門。加竹茹生薑熱加苓連日久水漿不入口吐清水宜參橘散白朮散保生湯。○惡阻宜

用半夏茯苓湯芩連半夏湯歸原散竹茹湯
○懷孕愛喫一物乃一藏之虛如血氣弱不能榮
肝肝虛故愛喫酸物丹心。妊婦惡食
但以所思之物任意與之必愈局方

一陳湯

婦人月事不行全不入食且就瘦弱全似虛
勞然而穀雖不入果子雜物常喜食之卻只
是有孕諺所謂孕婦做得百般病者此也但以二
陳湯加縮砂桔梗入薑棗烏梅煎服消痰順氣自
然安宅直指。大千方論半夏動胎而不用仲景
方皆用半夏豈不知此而用乎予治阻病累用半
夏薑製炒黃用之未嘗動胎
經云有故無殞是也丹心

參橘散

治惡阻病嘔吐痰水全不入食橘皮赤茯苓
各一錢半麥門冬白朮厚朴人參甘草各一
錢右剉作一貼入薑七片青竹茹雞子
大同煎服。一名人參橘皮湯聖惠

白朮散

治惡阻吐清水十餘日粥藥不入白朮五錢
人參二錢半丁香一錢二分甘州五分右剉

作一貼入薑五片水煎服良方

保生湯

治婦人月經不行身無病似病脉滑大而六
脉俱勻乃孕婦之脉也精神如故惡聞食氣
或但嗜一物或大吐或時吐清水此名惡阻安服
此白朮香附子烏藥橘紅各二錢人參甘州各一
錢右剉作一貼
薑上二煎服良方

半夏茯苓湯

治惡阻病嘔吐心煩頭自眩暈惡聞食
氣好食酸鹹多臥少起百節煩疼羸瘦
痰盛半夏一錢半赤茯苓熟地黃各一錢橘紅旋
覆花人參白芍藥川芎桔梗甘州各七分右剉作
一貼入薑七片
水煎服丹心

芩連半夏湯

治惡阻病胃背滿痛黃芩一錢二分半
白朮半夏各一錢赤茯苓七分半黃連
陳皮當歸梔子枳殼香附人參蒼朮縮砂甘州
各五分右剉作一貼入薑七片水煎服承類

歸元散

治惡阻全不入食。白朮、白茯苓、陳皮各一錢，半半，夏一錢，人參、川芎、當歸、白芍藥、丁香、香甘草各五分，桔、櫻、枳殼各二分，半右剉作一貼，入薑五棗，水煎服。一名復元湯。醫鑒。

竹茹湯

一方

婦孕兩月嘔吐頭眩，用參朮川芎陳皮茯苓，皮一錢，蘆根半握，右剉作一貼，水煎服。聖惠。

問之，果然肝氣既逆，又挾胎氣，參朮之補大非所宜，以茯苓湯下，抑青丸。方見二十粒數服而愈。心受孕之後，大忌男女交合。入門。妊婦切忌。

妊娠禁忌

飲酒及以酒調藥服酒散百脉致成諸疾，止用水煎服為好，得效。受孕之後，切勿犯者，形必傷。所遊如隣家，繕修亦宜避之。經云：刀犯者，形必傷。泥犯者，竅必塞。打擊者，色青。繫繫縛者，相拘攣甚，至母殞。驗若反掌，得效。

飲食禁忌

食驢馬肉，過月難產。食犬肉，命子無聲。食兔肉，命子缺唇。食無鱗魚，難產。

食螃蟹，命子橫生。食羊肝，命子多厄。食雞肉及卵，合糯米食，命子生寸白虫。食鴨肉及卵，命子倒生。心寒。食雀肉，飲酒，命子多淫。無耻或生子，雀子斑。食鼈肉，命子項短縮頭。食薑芥，命子多指。食薏苡，墮胎。食麥芽，消胎氣。食莧菜，墮胎。食蒜，消胎氣。食鮎魚，命子生疳，蝕瘡。食山羊肉，命子多病。食諸般菌蕈，命子驚風，而夭。入門。

藥物禁忌

歌曰：芫青斑，斑，猫水蛭，及虫虫。烏頭，附子與天雄。野葛水銀並巴豆。牛膝，薏苡連蜈蚣。三稜代赭芫花麝。麝香。大戟蛇，蛻黃雌雄。雌黃雄黃。牙硝芒硝牡丹桂。桂皮，槐花牽牛皂角同。半夏南星與通州。瞿麥乾薑蟹甲爪。礞砂乾漆兼桃仁。地膽茅根莫用。好正傳。又忌躑躅花螻蛄牛黃藜蘆金箔銀箔。胡粉蜥蜴飛生蟬殼龍腦蠟皮鬼箭羽檮雞馬刀。衣魚大蒜神麴葵。子犀角大黃。局方。

妊娠將理法

衣毋太溫。○食無太飽。○飲無大醜。○勿
妄服湯藥。○勿妄用鍼灸。○勿舉重登高
涉險。○勿勞力過傷。○勿多睡臥須時時行步。
心有大驚子必癩癩入門。○臨月不可洗頭。○勿
登高廁。

正傳

胎漏胎動

胎漏謂有胎而血漏下也屬氣虛有熱四物
湯方見血門。加阿膠珠白朮條芩縮砂香附
炒黑艾葉少許加糯米煎服。正傳。○犯房下血者
真漏胎也八物湯方見虛勞。加阿膠艾葉救之。
門。○胎漏胎動皆下血而胎動有腹痛胎漏無腹
痛此為異耳胎漏宜清熱胎動宜行氣。入門。○胎
漏者自入門下血尿血者自尿門下血。入門。○胎
動不安者由衝任經虛受胎不實故也亦有飲酒
房室而傷者有觸犯而傷者有喜怒而傷者有服
熱藥而傷者因母病而胎動者但治母病其胎自
安有胎不堅固動致母疾者但當安胎其母自愈
良方。○孕婦內傷勞役以致小腹常墮甚則子宮

障出者氣陷也宜用補中益氣湯方見內傷。知因

房勞者入物湯加酒炒黃芪為君防風升麻為使
入門。○胎漏胎動皆令墮胎胎漏宜用枳殼湯小

膠艾湯膠艾湯膠艾芍歸湯膠艾四物湯常歸寄
生湯桑寄生散。○胎動不安宜用杜續丸常歸地
黃湯安胎散安胎飲黃芩湯內補丸獨聖散知母
丸生地黃粥。○諸方

枳殼湯

治胎漏下血白朮三錢半枳殼黃芩各
一錢七分半右剉作一貼水煎服保命

小膠艾湯

治胎動下血阿膠珠一錢艾葉
四錢右剉作一貼水煎服入門

膠艾湯

治胎漏安胎極妙熟地黃艾葉當歸川芎阿
膠珠甘州炙黃芪各一錢右剉作一貼水煎
服日二次正傳。○局
方無黃芪有白芍藥

膠艾芍歸湯

治胎動下血在八九月內者及治孕產
後因續下血不絕者阿膠珠艾葉川芎

當歸各二錢 甘艸炙一錢 右剉作一貼 水煎服。○
胎動腹痛或下黃汁如漆如豆汁者 野苧根 金銀
花根各五錢 水酒
相半煎服 入門

膠艾四物湯

治胎漏腹痛 熟地黃 當歸 川芎 白芍藥
阿膠 珠條 芩白朮 縮砂 艾葉 香附子 炒
各一錢 右剉作一貼 入糯
米一撮 水煎 空心服 回春

當歸寄生湯

治胎漏下血 人參 桑寄生 熟地黃 續斷
各一錢 半當歸 川芎 白朮 艾葉 各七分
半 右剉作一貼
水煎服 得效

桑寄生散

治胎漏及經血妄行 桑寄生 續斷 川芎 當
歸 白朮 香附子 阿膠 珠條 茯神 各一錢 人參
甘艸 各五分 右剉作一貼
入薑三片 水煎服 入門

杜續丸

治胎動不安 腰痛 以此防其欲墮 杜仲 炒續
斷 各二兩 右為末 棗肉和丸 梧子 大 米 飲下

五十七
丸 入門

當歸地黃湯

治胎痛 熟地黃 四錢 當歸 二錢
右剉作一貼 水煎 空心頓服 傳正

安胎散

治因驚胎動 腹痛下血 熟地黃 三錢 川芎 枳
殼 各一錢 半 糯米 一合 右剉作一貼 薑三棗
二水煎服 傳正

安胎飲

治胎動不安 五六箇月 常服數貼 甚妙 白朮
二錢 條芩 一錢 半 當歸 白芍 藥 熟地黃 縮砂
研 陳皮 各一錢 川芎 紫蘇 葉 各八分 甘艸 四分 右
剉作一貼 水煎服 醫鑿 ○ 一方有人參 無熟地黃
代生地黃 入門 ○ 胎不安 加阿膠 胎痛 加縮砂 ○
黃芩 安胎 者 降火也 縮砂 安胎 者 行氣也 若血虛
而胎不安 阿
膠 主之 丹心

黃芩湯

治胎動不安 黃芩 白朮 縮砂 當歸 各
一錢 半 右剉作一貼 水煎服 得效

內補丸

七十丸
本事

治衝任脉虛補血安胎熟地黃二兩當歸一兩微炒右為末蜜丸梧子大空心溫酒下五

獨聖散

治因墮落傷損致胎動不安腹痛不可忍縮砂不以多少熨斗內慢火炒去皮右為末每二錢熱酒調下須臾覺腹內極熱胎已安矣神效不飲酒者米飲調下正傳○胎痛用縮砂以能止痛行氣安胎也丹心

知母丸

治姪娠日月未足而欲產者腹痛知母為末蜜丸梧子大空心飲下三五十九日二服不拘時細目

生地黃粥

治胎漏糯米二合煮粥臨熟入生地黃汁一合調服空心入門

蔥粥

治胎動糯米作粥入蔥白三五莖再煮食之入門

蔥白湯

治胎動不安腹痛捨心或下血葱白濃煮汁飲之立安胎若胎死即出

佛手散

一名立效散治胎動不安腹痛方見下○細目

一方

治胎動不安一月用烏雌雞三月用赤雄雞十月用猪腰子餘月用鯉魚煮汁入藥煎服神妙入門

又方

孕婦為夫所困胎動氣欲絕竹瀝飲一升立愈本州

又方

妊婦月數未足而似欲產腹痛者槐子蒲黃等分為末蜜丸梧子大酒下二十九丸以止為度

半產

墮胎乃血氣虛損不能榮養而自墮猶枝枯則果落藤萎則花墮有因勞怒傷情內火使動亦能墮胎猶風撼其木人折其枝也火能消物造化自然病源乃謂風冷傷於子藏此未得病情者也太抵屬虛屬熱當視其輕重而治之○正產一證正如果中栗熟其殼自開兩無所損半產則比之

白扁豆散

治毒藥攻胎藥毒衝心口噤握拳自汗不省其脉浮而軟十灰一生白扁豆生為末

採斫新粟碎其膚殼損其皮膜然後取得其實以其胎藏傷損胞系斷去而後胎墜下大抵半產須加十倍調治。復有市井村落之間恣情妄作偷生不正或多男女厭於養育往往以草藥毒之驚見敗血不下衝心悶亂喘汗交作外者罔記須以解毒行血藥亟救之宜用白扁豆散得效。婦人受孕遇三五七月必墮宜服本湯安胎丸以清其熱若氣血不足則預服八物湯方見虛勞以防墮落。半產多在三五七月內若前次三箇月而墮則其後必如期復然凡半產後須多服養氣血固胎元之藥以補其虛厥後有胎先於兩箇月半後即服清熱安胎藥數貼以防三四月之墮至四箇半月後再服八九貼防過五月又至六箇半月後再服五七貼以防七月及至九箇月可保無虞。榮湯千金保胎丸五味安胎丸和痛湯諸方。

新汲水調下二三錢即甦

口噤者幹開灌之得效

芩朮湯

治懷孕四五月常墮不安者內熱甚故也子芩三錢白朮一錢半右剉作一貼水煎服。

芩朮湯乃安胎之聖藥也凡卒有所下急則一日三五服緩則五日十日一服安胎易產所生之兒又無胎毒蓋妊孕脾土運化遲滯則生溼溼則生熱故以黃芩清熱以養血白朮健脾以燥溼安胎丸金匱當歸散皆此方而推之也 入門

安胎丸

治同上即芩朮湯材為末 粥丸 梧子大白湯下五七十九丸 入門

金匱當歸散

孕婦宜常服養血清熱素慣半產者宜服以清其源而無後患也黃芩白朮當歸川芎芍藥各一兩右為末每三錢溫酒調下或酒糊和丸吞飲下五七十九丸。婦人有孕則碍脾運化遲而生溼溼而生熱古人用白朮黃芩為安胎之聖藥蓋白朮補脾燥溼黃芩清熱故也

東醫寶鑑卷之十

十一

况妊娘願血培養此方有當歸川芎芍藥以補血
尤為備也服此藥則易產所生男女兼無胎毒則
痘疹亦稀無病易育而聰明智
慧不假言矣累試累驗丹心

五味安胎丸

素慣半產者宜服之養血清熱當歸川
芎條芩白芍藥各一兩白朮五錢右為
末酒糊和丸梧子大茶
湯任下五七十九丸 回春

芎歸補中湯

治懷孕氣血虛弱不能榮養以致胎漏
每數月而墮黃芪當歸白朮杜仲白芍
藥各一錢乾薑阿膠珠川芎五味子木香人參甘
枞各五分右剉作一貼水煎服 入門
香正傳

安榮湯

治胎氣不固時常小產宜以此預防固胎熟
地黃白芍藥川芎當歸阿膠珠香附子桑寄
生白朮黃芩縮砂各一錢糯米
百粒右剉作一貼水煎服 正傳

千金保胎丸

凡婦人受胎經三二月而墮者雖氣血不
足乃中衝脈有傷中衝即陽明胃脈係
養胎孕至此時必須謹節飲食絕色慾戒惱怒服
此藥庶免半產之患矣杜仲薑汁炒白朮土炒各
二兩當歸酒洗熟地黃薑汁炒阿膠蛤粉炒成珠
條芩炒益母草續斷酒洗香附末以酒醋鹽水童
便各浸一包經三日焙乾各一兩川芎艾葉醋煮
陳皮各五錢縮砂二錢半右為末以棗肉和丸梧
子大每百丸空心
米飲吞下 醫盛

和痛湯

治小產心腹痛當歸川芎白芍藥酒炒熟地
黃各一錢二分玄胡索一錢澤蘭香附子
皮各八分桃仁紅花各五分右剉作一貼
以水一鍾童便清酒各半鍾煎服 醫盛

一方

一婦人每懷孕至三箇月必墮不肯服藥予以
四五羊老母雞煮湯入紅穀小黃米煮粥食之
不數日而胎固至
月滿而生男 回春

又方

一婦人有孕至二月左右必墮予教以濃煎白朮湯調黃芩末一錢服三四十貼遂得保全蓋孕至三月正屬相火所以易墮不然

脉法

半產漏下革脉主之弱則血耗立見傾危傷脉經

卒墮胎

孕婦六月七月暴下斗餘水其胎必倚而墮此非時孤漿墮下故也。胎漏者徐徐下水今暴下而多故知墮胎也 脉經

察色驗胎生成

胎動不安甚者當以母形色察之。母面赤舌青者母活子死。面青舌赤口中沫出者母死子活。唇舌俱青兩邊沫出者母子俱死。良方。孕婦腹痛胎不動欲知生必以手摸之。在何面冷者為死。溫者為生。胎死腹中則產母面青指甲青唇舌青口臭如兩臉微紅則母

欲產候

活子久丹心。孕婦舌黑者子已成矣。全以舌為證。驗佛手散救之。方見下。回春。妊婦月滿脉離經。離經脉見下。設腹痛引腰痛為欲產也。脉經。孕婦臍腹俱痛連腰引痛眼中生火此是兒轉。蓋腎繫於腰胞繫於腎故也。正傳。孕婦入月腹痛或作或止名曰弄痛非正產之候。或腹痛而腰不甚痛非正產之候。胎高未陷下者非正產之候。穀道未挺逆者非正產之候。水漿未破血未出者非正產之候。漿血雖出而腹不痛非正產之候。且余扶行執忍不可坐。良方。凡孕婦直待胎氣陷下子通陰巨腹重痛極眼中生火穀道挺進此正欲產之候。方上州用力。脈訣。難經云。歌曰欲產之婦脉離經沈細而滑也。同名夜半

脉法

覺痛應分誕來。日午後定知生。脉訣。一呼三至曰離經。一呼一至亦曰離經。婦人欲產者脉皆離經。夜半覺痛日中即生也。綱目。尺脉轉急如切繩轉珠者即產也。脉經。離經六至沈細而滑陣痛連腰胎即時脫。丹心。

保產

難產之婦皆是八九箇月內不能護慾以致氣血虛故也
○大凡生產自有時候切不可強服催生滑胎等藥又不可坐草早及坐婆亂用手法良方○世之難產者多見於富貴安逸之人其貧賤辛苦者無有也古方有瘦胎飲
即枳殼散本為湖陽公主作也以其奉養厚而氣盛故製此方以耗其氣實非極至之論也一婦人苦於難產後遇胎孕則觸而去之予以大全紫蘇飲加補氣藥與十數貼後得男而甚快因名其方曰連生散丹○懷孕之婦不可轉動以致有橫生逆產甚則子死腹中嘆之○凡月數滿足方覺腹痛不可驚動太早命產母恐怖益恐則氣怯怯則上焦開下焦脹氣乃不行以致難產急服紫蘇飲方見下以寬其氣正傳○子在母腹中全賴漿水滋養十月數足血氣完全形神俱備忽如夢覺自能折胎元壯路而出夫胞漿者本胞內養兒之水也若胎元壯健者胞既拆破即隨漿而下故易產也其因弱者

瘦胎令易產

轉頭遲慢胞漿既乾汚血閉塞道路是以難產宜用催生如聖散催生丹神效乳珠丹佛手散如神散黑神散二退散三退散三退六一散兜龍丸龍蛻散黑龍丹催生散諸方○臨產不可喧闐且進粥飯令人扶策徐徐而行若不待則徒物而立痛陣轉密產候將至然後坐草且進催生藥直待兒通產門用力一拉下自然易產○坐草之入門時驀然目翻口噤吐沫者宜用霹靂丹入門

連生散

孕婦臨月服二十餘貼易產無病大腹皮酒洗二錢甘州炙一錢半當歸白朮白芍藥各一錢人參陳皮紫蘇葉枳殼縮砂研各五分右剉作一貼入青蔥五葉水煎服○或以煎水吞下益

東醫寶鑑雜病篇十

母丸尤佳丹心
一名縮胎飲丹心

瘦胎枳甘散

孕婦八九月內胎氣壅滿宜常服之滑胎易產枳殼五兩甘草一兩右為末每

二錢白湯點服或加香附一兩尤妙入門
名滑胎枳殼散本專一名枳殼六一散直指

救生散

孕婦八月服之瘦胎易產勝於枳殼散人參訶子肉神麩麥芽白朮橘紅各等分右鹿木

每二三錢水煎服板粹

佛手散

孕婦臨月服之則縮胎易產自無難產之患當歸六錢川芎四錢右剉作一貼水煎臨熟

入酒少許再煎溫服若加益母草三錢尤妙
回春一名芎歸湯即芎歸等分也入門

益母丸

催生神效益母艸於五月五日六月六日花正開時收採陰乾不犯鐵器搗為末蜜丸彈

子大每一丸白湯化下或丸如梧子每取五七十九丸溫酒或白湯下種杏一名返魂丹催生易產

又治橫逆產產後百病入門

縮胎丸

孕婦八九月箇月用之縮胎易產黃芩夏一兩春秋七錢冬五錢炒赤茯苓七錢半白朮二

兩陳皮二三兩右為末粥丸梧子大入月每服五十九丸白湯下丹心

束胎丸

全縮胎易產白朮枳殼各等分右為末以水浸燒餅和丸梧子大入月每服五十九丸白湯

下保命

神寢丸

能瘦胎易產枳殼二兩乳香一兩右為末以煉蜜丸梧子大酒下三十九丸一名寤生丸

十產候

十產候者一日正產二日坐產三日臥產四日

橫產五日逆產六日偏產七日礙產八日盤踞產九日熱產十日凍產方
○又有傷產催產回春

正產

正產謂月數已滿忽然臍腹陣痛胎孕陷下漿水淋下用九一努其兒遂生良方

坐產

謂臨產孕婦疲倦久坐椅蓐兒抵生路不能下生當於高處懸吊手中命產婦攀引輕輕屈足良方

臥產

謂產母臥定背平着席體不偃曲則兒不失其道自然易產良方

橫產

謂兒先露手或臂者治法當令產母仰面安臥收生之人徐徐先推兒下截命直上冲通手以中指摩其肩椎上而正之漸引手攀其耳命頭正候兒身正門路順卻服催生藥安祥上草自然易產正傳

逆產

逆產者先露足橫產者先露手坐產者先露臂皆用力太早之過也若手足先露者用細鍼刺兒手足心入一二分三四次刺之以搵塗其上輕送入兒得痛驚轉一縮即順生下又兒腳先生

偏產

者謂之踏蓮花生急以鹽塗兒腳心因急撥之併以鹽摩母腹上則自然正生矣正傳
謂兒頭偏柱一傍雖逼近產門初非露正頂止露額角者治法令產母仰臥收生之人輕輕推兒近上以手正其頭令兒頭頂端正向產門一通即下。又有兒頭後骨偏柱穀道者當以綿衣炙火令熱裹手急於穀道外傍徐徐推之漸漸近上令頭正然後上州即產正傳

礙產

謂兒頭雖正產門已露其頂而不能生下者此因兒轉之時臍帶攀掛兒肩致不能生治法令產母仰臥收生之人輕輕推兒近上徐徐通手以中指按兒兩肩理脫臍帶候兒身正順用力一送即產正傳

盤腸產

謂孕婦臨產時子腸先出兒即隨產治法頂上貼如聖膏方見下自然收縮即以水洗去如腸頭為風吹乾不能收入以磨力水微溫潤腸煎好磁石湯一盃產母飲之則其腸自收。又法

東醫寶鑑卷之十一

二七二

以溫湯潤其腸。金產母仰臥以言安慰。卻用好醋半盞新汲水七分調和。忽嘆產母之面或背則收每一喫一縮三喫三二縮腸已盡收矣。正傳

熱產

臨產時當盛暑。宜居淡幽靜室。日色遠處開。啓窗戶多貯清水。照水以防發熱之患。正傳

凍產

謂嚴冬解產宜密閉房戶。內外生火。常令煖氣。如春仍厚覆下體。常使溫和。免致難產。正傳

傷產

傷產者。或蒼皇用力太早。漿水先下。敗血裹住。宜用勝金散。或新汲水磨京墨服之。墨裹兒即出。入門

臨產日久。產母因倦。宜服催生藥。以助血氣。金兒速生。四春

催產

難產垂久及矮右女子。交骨不開者。用龜殼散。鬼腦丸。來麴散。加味芎歸湯。門

交骨不開難產

○凡產時交骨不開者。陰氣虛也。亦用加味芎歸湯。同春。○產前軟勝方。烏梅生薑甘州各等分。剉煎服。便合勝骨軟。易產。不痛。得效

催生如聖散

治難產及漏血胎乾者。立效。黃蜀葵子。研為末。每取一錢。以酒調。瀝去渣。溫服。

丹心。○一方用蜀葵花為末。熱酒調下。一錢。即效。正傳。○歌曰。黃葵子。炒。百餘粒。研爛。酒調。濟窘急。

若患臨危難產時。免。得全家俱哭泣。正傳

催生丹

治產難及橫產逆產。臘月兔腦一箇。取髓去皮。膜研如泥。乳香細末。一錢半。丁香細末。一錢。麝香二分。半。右拌勻。和丸。雞頭實大。即。在陰乾。油紙裹。每取一丸。溫水磨化。服。即產。隨男左女。右手握藥。出是驗。須臾。臘日。合。妙。良方

神效乳珠丹

催生神效。又治子。灰腹中不下。明乳香。研細。取猪心血。和丸。艾實大。朱砂為衣。

晒乾。每一丸。冷酒化下。未下。再服。端午日。或歲除夜。收合。尤妙。綱目

如神散

催產極驗。臨產時令人取路傍草鞋一隻取鼻絡小耳繩燒灰溫酒調服即產得左足者生男右足者生女覆者兒成側者有驚自然理也。一名神驗散。得效。

二退散

治產難蛇退全者一條蚕退紙方圓一尺右燒存性為末溫酒調下。丹心。

三退散

治難產及橫逆產或子成腹中蛇退全者一條蟬退全者十四枚男子頭髮雞子大右俱燒存性為末分一服溫酒調下。丹心。一名催生散。一名蛇蛻散。得效。

三退六一散

催生神效益元散一兩男子頭髮雞子大香油熬化蛇退全者一條蟬退全者五枚穿山甲一片右各燒存性為末用蘆水煎。二沸入髮灰調服立下。丹心。一名滑胎散。丹心。

兔腦丸

治產難日久血乾宜用此滑之臘月兔腦髓一枚鼠內腎一部母丁香益母草各一錢乳香二錢半麝香二分半右為末兔髓和丸茶實大朱砂為衣油紙裹陰乾每丸醋湯化下即產男。

左手女右手握藥出是驗入門

龍蛻散

催生秘傳蟬退一兩大蛇蛻一條並燒存性滑石冬葵子微炒各一兩右為末每一錢順流水微溫調服不可使熱湯得效。

黑神散

治產難及橫逆產凡坐草日久漿水多下則其血必乾子道艱澀如舟坐灘須湧水而後可通服此藥再固其血則如魚得水決自轉生百艸霜白芷各等分右為末每取二大錢清酒童便各半盞入麝香少許同煎沸熱服不過再服即驗。方。一法服此藥後外用蔥白二斤搗爛鋪於小腹上取急水灘頭沙一斗炒熟布裹於蔥上輕輕畧揉即產。入門。一名催生如神散一名神應黑散。丹心。

黑龍丹

治產難及死胎不下胎衣不下產後兒枕痛血迷血暈一切危急垂危者灌藥得下無不。

活神驗不可言五靈脂當歸川芎良薑熟地黃各
一兩右剉盛砂盆紙筋鹽泥固濟炭十斤煨候冷
取出卻入百州霜三錢硫黃乳香各一錢半花藥
石煨琥珀各一錢右研細末醋麪糊和丸彈子大
每一丸入薑汁童便溫酒中細研服之丹心○一
方靈脂當歸川芎良薑生乾地黃各一錢入雞子
殼內鹽泥固濟火煨百州霜一兩硫黃乳香
各二錢琥珀花藥右各一錢製法同上正傳

催生散

治產難白芷炒黑百州霜滑石各等分
右為末芎歸湯煎木調下二三錢正傳

勝金散

治產難及橫逆產鹽豉一兩以青布裹了燒
存性入麝香一錢右末秤鏗燒紅淬酒調下
一錢良方

霹靂丹

治臨產驀然氣瘳目翻口噤面黑唇青口中
沫出子母俱殞兩臉微紅子外母活急用此
救之蛇退一條蚕退紙並燒存性各二錢男子頭
髮燒灰路上左腳草鞋燒存性各二錢乳香五分

黑鉛二錢半水銀七分半二物入鉢中火上熔化
結砂子研細右為末以獾猪心血和丸梧子大金
箔為衣每取二三丸倒流水送下如不下
化開灌之入門○一名霹靂奪命丹正傳

龜殼散

治產難日久垂死及矮右女子交骨不開者
龜殼一箇生男女婦人頭髮一握燒存性川
芎當歸各一兩右為末每三錢水
煎服良久生胎死胎俱下入門

來甦散

治臨產用力太過氣衰脉微精神昏暈口噤
面青不省人事木香神麪陳皮麥芽黃芪阿
膠白芍藥各一錢芎根甘艸各三錢糯米一合加
生薑三片煎服連用為妙或幹開口灌下入門

加味芎歸湯

治臨產交骨不開難產
即上龜殼散方也同春

催生宜用滑利藥

凡催生多用滑利迅速之藥如兔腦
髓筆頭灰弩牙蛇退之類是也○若
水血多下子道乾澀者如猪脂香油蜂蜜酒童
尿葵子牛乳滑石榆白皮之類是也○若風冷或

入氣血凝滯者牛膝蔥白桂心生薑之類是也。若觸犯惡氣心煩躁悶而難產者宜麝香朱砂乳香青竹茹之類是也。正傳。難產日久漿水多下胞乾兒不得下香油清蜜各一椀火上微沸調滑石末一兩攪服之外以油蜜摩母臍腹上即驗。醫鑒。油蜜童尿和服最治難產和益母膏尤妙。榆白皮湯亦可用丹心。

榆白皮湯

治產難胞乾不下榆白皮冬葵子瞿麥各二錢牛膝麻仁去殼各一錢半木通一錢

右剉作一貼水煎服

禳法

臨產之初先脫產婦尋常所穿衣以籠籠頭及籠口則易產勿令產母知得效。臨產取赤馬皮鋪之令產母坐其上則催生易產。又法取鱷鼠皮毛即飛生也產母手持之即產。又海馬或石燕子兩手各把一校即驗。本冊

外貼法

凡難產催生內服湯丸外用藥付貼庶有十全之效宜如神丹如聖膏立聖丹遇仙丹諸方

如神丹

巴豆三枚草麻子七粒並去殼入麝香少許捏作餅子貼臍中分產即以溫湯洗去。歌曰巴豆三草七脫衣裳細研如泥入麝香捏作彈丸臍下貼須臾子母便分張。正傳

如聖膏

治難產及死胎不下十分危急者巴豆十六箇去殼草麻子四十九粒去殼麝香二錢同搗如泥攤絹帛上貼臍上一時產下即洗去入門

○一方草麻子去皮一兩雄黃二錢同研成膏塗母右臍心繞產速洗去否則腸出用此膏塗頂上腸自入亦名如聖膏得效

立聖丹

治橫逆產惡候及死胎不下神驗寒水石四兩內二兩生用二兩煨赤研為細末入朱砂末如深桃花色每用三分井水調如薄糊用紙花剪如杏葉大攤貼臍心候乾再易不過三上便產

遇仙丹

治法同上草麻子十四粒去殼朱砂雄黃各一錢半蛇蛻一條燒右為末漿水飯和丸彈

下死胎

子大臨用先以椒湯淋潔臍下次安藥一丸於臍中
 中以蠟紙覆上以帛繫定須臾生下急取去藥易
 須參考上驗胎生灰條治之○胎灰則母舌必
 黑外證指申青黑心腹脹悶口中極臭平胃散
 方見五藏一貼加朴硝五錢酒水相半煎服其胎
 即化血水而下得效○雙胎一灰一生服此則灰
 者出生者安蟹爪一升大甘艸五錢半生半炒東
 流水十盞煎至二三盞去滓入阿膠二兩半生半炒
 令消化分二三次頓服即出藥竈宜東向用葦爲
 薪類聚○灰胎者脊不出氣欲灰下猪脂白蜜各一
 升醇酒二升石合煎取二升分溫兩服即下良方
 ○灰胎不下宜用佛手散三退散方見上香桂散
 桂香丸奪命丸烏金散催生散方見上

佛手散

治胎傷心腹痛口噤欲絕用此探之胎不損
 則痛止子母俱安若胎灰則立便逐下神效
 方見上

香桂散

下死胎桂心三錢麝香半錢右爲末
 作一貼溫酒調下須臾即下正傳

桂香丸

下死胎肉桂一兩麝香一錢右爲末
 飯丸菉豆大白湯下十五丸入門

奪命丸

治胎灰腹中捨心悶絕欲灰或食惡物或誤
 服草藥傷動胎氣胎禾損服之可安胎已灰
 服之可下或胎腐爛者立可取出此方至妙桂枝
 赤茯苓牡丹皮赤芍藥桃仁各等分蜜丸茶實大
 空心服三丸或丸如彈子大淡醋湯化下丸○
 卽仲景方桂枝茯苓丸也治婦人宿有癥病而孕
 胎及三二月而漏血不止胎動在臍上者爲癥害妊
 娠凡胎動多在當臍今動在臍上故知是癥也當
 下其癥宜用桂枝茯苓
 丸丹溪亦稱妙良方

烏金散

治難產胎乾子灰危急者先進佛手散探之
 的知胎灰則進此藥後更進香桂散即下即
 上黑一補散○名忠

東及醫寶鑑金齋初編

二十七

一方

外胎不下取烏雞一隻去尾細剉水三升煮取
二升去雞用手巾蘸湯摩臍下即出良方。○又
黃牯牛糞熱塗母腹上即出正傳。○
如聖膏塗母右腳心即下方見上

胞衣不下

凡產後胞衣不下稍久則血流入胞中胞為
血所脹上衝心脅喘急疼痛必致危篤宜急
斷臍帶以小物繫帶牢固然後切斷使惡血不潮
入胞中則胞衣自當痿縮而下縱淹延數日亦不
害人只要產母心懷安泰勉進粥飯終自下矣累
試有驗良方。○胞衣不下切不可命坐婆娑矣用手
法擦取或因因此而阻或損破尿胞為終身之害可
不謹歟正傳。○兒之初生惡血流入衣中衣為血
所脹塞故不能下須更衝上逼心即成急服奪命
丹貼如聖膏方見上。○胞衣不下宜用黑龍丹方
見上
花藥石散牛膝湯三退
飲返魂丹方見上一字神散

奪命丹

治產後血入胞衣脹滿衝心日久不下危急
者附子炮五錢牡丹皮乾漆炒各一兩右為

末以醋一升入大黃末一兩熬成膏和丸梧子大酒下五十丸丹心

花藥石散

胞衣不下惟花藥石散最為要緊若胎衣
上衝至外但心頭煖急以童便調一錢服
之取下敗血如猪肝或化為黃水而出其胞衣即下方見諸傷良方

牛膝湯

治產後胞衣不下腹滿即殺人服此即爛下
滑石末二錢木通當歸牛膝瞿麥各一錢半
冬葵子二錢右剉作一貼水煎服局方

三退飲

治胞衣不下神效脫退一條全者蚕退紙一
方蟬退四十九箇右並燒存性為末順流水
調下立出正傳

一字神散

治胞衣不下鬼白黃色者研如粉不用羅
過以手指燃之每服二錢溫酒一盞同煎
至八分服之立生如神
此方救人幾萬數得效

一方

治胞衣不下猪脂白蜜清油各半蓋於火上上燻化溫分二服便下極驗一云但多服猪脂亦佳

產書。又方取三姓家雞卵三枚三姓家水各一匙三姓家鹽各一撮相和頓服仍探口令嘔即下。又方童尿一升生薑蔥白各三錢右煎數沸熱服之。又以蔥白濃煎湯熏洗下部即下。胎衣不下取產母視覆井口上勿令產母知之。

讓法

產母知之。立。下。回。要。又法取初洗兒湯一盞服之勿令

產前諸證

子癇

有子癇子煩子腫子淋子嗽子痢子癩子癰子懸感寒孕婦不語兒在腹中哭孕婦腹中鍾鳴妊婦中風項背強直筋脈攣急口際語澀痰盛昏迷時作時止或發搐不省人事名曰子癇亦曰兒暈甚則角弓反張宜用羚羊角湯輕者四物湯

羚羊角湯

加葛根牡丹皮秦艽細辛防風竹瀝入門分防風薏苡仁當歸川芎茯苓神杏仁各七

分木香甘州各五分右剉作一貼薑三水煎服正傳

子煩

妊婦心煩躁悶謂之子煩多於受胎後四五月間相火用事或值天令君火大行暑熱之時俱能發煩躁或胎動不安宜用竹葉湯竹瀝湯入門

竹葉湯

白茯苓二錢麥門冬黃芩各一錢半防風一錢右剉作一貼入青竹葉七片水煎服日二

竹瀝湯

赤茯苓一兩剉右以水一升半煎至半去滓和竹瀝一合服。又竹瀝細細飲之最妙

子腫

孕婦因胎中有水多於五六箇月以致遍身浮腫腹脹喘急或腹大異常高過心胃氣逆不安若不治必損其胎宜用鯉魚湯因常食鯉魚粥又茯苓湯防己湯全生白朮散亦佳。或頭面不腫兩腳微浮甚則自脚面腫至膝腿足指間有黃水出者謂之子氣亦曰脆脚平胃散

桑白皮煎
服入門

鯉魚湯

治子腫白朮赤茯苓各二錢白芍藥當歸各一錢半橘紅五分右剉作一貼先取鯉魚一箇修事如食法水煮取清汁一盞半入藥及薑七片煎至一盞空心溫服以水盡腫消為度良方

茯苓湯

治子腫當歸川芎白芍藥熟地黃白朮赤茯苓澤瀉條芩梔子炒麥門冬厚朴甘草各七分右剉作一貼薑五片水煎服醫鑿

防已湯

治同上桑白皮赤茯苓紫蘇葉各二錢防已一錢半木香五分右剉作一貼入薑五片水煎服

全生白朮散

治同上白朮一兩生薑皮大腹皮陳皮茯苓皮桑白皮各五錢右為末每二錢米飲調服

一方

治子腫山梔子仁炒為末每一錢米飲調服不拘時正傳 ○桑白皮五錢赤小豆三合水煎服

子淋

妊婦熱積膀胱或胎氣壅滿小便淋澀作痛名曰子淋又謂之子滿宜澤瀉湯安榮散地膚子湯葵子茯苓散忘憂散或芎歸湯方見下加木通麥門冬人參燈心甘草臨月加滑石煎服入門 ○轉胞

一證胎婦稟受弱者憂悶多者性急躁者食味厚者大率有之因思胞為胎所壓轉在一邊胞系了戾不通耳胎若舉起懸在中央胞系得踈則水道自行宜用參朮飲空心煎飲隨以指擦吐候氣定又與又吐小便立通歷試皆效丹心 ○妊婦胞轉不得尿腎氣丸方見虛勞主之即八味丸仲景

澤瀉湯

治子淋澤瀉桑白皮赤茯苓枳殼檳榔木通各一錢半右剉作一貼入薑五片空心煎服

安榮散

治同上。人參川芎麥門冬木通滑石當歸燈心甘草各一錢右剉作一貼水煎空心服效得

地膚子湯

治同上。地膚子車前子各一錢半知母黃芩枳殼赤茯苓白芍藥各一錢升麻通艸

甘草各七分右剉作一貼水煎服正傳

葵子茯苓散

治孕婦小便不利。冬葵子赤茯苓各等分右為末。每一錢米飲調下。仲景

忘憂散

治子淋。琥珀為末。每半錢取葶草根一握煎湯調下。正傳

參朮飲

治孕婦轉胞尿閉。四物湯方見血門。材各一錢。加入人參白朮半夏陳皮各一錢。甘草五分。

右剉作一貼入薑二三水煎飲後擦吐之。又與又吐小便立通。神效。丹心。

一方

治轉胞尿閉。蔥白細切和鹽炒熱熨臍下立通。入門。

一法

治轉胞尿閉。急冷產婆香油塗手自產門入。托起其胎。則尿出。如注。脹急即解。丹心。○又法

將孕婦倒豎起。則尿自出。亦妙。丹心。

子嗽

妊娠外感風寒。久嗽不止。謂之子嗽。宜

紫菀湯

治妊娠咳嗽胎不安。紫菀天門冬各二錢。桔梗一錢。半杏仁桑白皮甘草各一錢。右剉作

一貼。入竹茹雞子大。水煎去滓。入蜜半匙。再一沸。溫服。綱目。

百合散

治子嗽。百合紫菀茸貝母白芍藥前胡赤茯苓桔梗各一錢。甘草五分。右剉作一貼。入薑

五水煎服。得效。

馬兜鈴散

治子嗽。氣壅喘急。陳皮大腹皮桑白皮紫蘇葉各一錢。二分。馬兜鈴桔梗人參貝母

五味子。甘草各七分。半。右剉作一貼。入薑二三片。水煎服。良方

天門冬飲

治子嗽。天門冬紫菀茸知母桑白皮各一錢。半。五味子桔梗各一錢。右剉作一貼。水

東坡醫集卷之十一

三十一

煎服
正傳

一方

治子嗽貝母去心麩炒黃為末以砂糖屑拌和作丸櫻桃大常用含化神效得效

子痢

妊娠下痢赤白腹中疔痛裏急後重名日子痢宜當歸芍藥湯白朮湯雞黃散鴨子煎○妊娠泄瀉

宜用訶朮散大寧散

當歸芍藥湯

治子痢白芍藥白朮各一錢半當歸白茯苓澤瀉條苓各一錢木香檳榔黃連

甘州各七分右剉作一貼水煎服○白痢腹痛去苓連加乾薑正傳

白朮湯

治孕婦下痢膿血白朮當歸黃芩各二三錢右剉作一貼水煎服正傳

雞黃散

治子痢烏雞卵一箇傾出清雷黃黃丹一錢入雞子殼內攪勻厚紙糊口鹽泥固濟火煨研為末右每取二錢米飲調下一服愈者是男二服愈者是女本傳

鴨子煎

治同上生薑羊少者百錢羊老者二百錢搗取自然汁鴨子一箇打破入薑汁內攪勻右

同煎至八分入蒲黃三錢再煎五七沸空心溫服立效本傳

訶朮散

治妊娠泄瀉由食生冷當風涼所致訶子皮白朮各一錢半陳皮良薑木香白芍藥酒炒

肉豆蔻煨甘草炙各一錢右剉作一貼薑五水煎服正傳

大寧散

治妊娠下痢赤白或泄瀉腹痛垂危者黑豆三十五粒罌粟殼二兩半生半炒甘草二兩

半生半炒右為鹿末都作一貼入薑三片同煎空心服神效綱目

子瘡

妊婦患瘡寒熱往來謂之子瘡宜醒脾飲子露薑飲方見瘡門驅邪湯濟生石膏湯

醒脾飲子

治子瘡寒瘧厚朴草豆蔻研各五錢乾薑三分甘草二分右剉作一貼入薑五棗二

同煎空心服入門

東醫寶鑑卷之六

三十七

驅邪湯

治妊娠感冷發癰良薑白朮草果橘紅藿香
縮砂白茯苓各一錢甘草五分右剉作一貼
入薑五片棗二枚水煎服丹心

濟生石膏湯

治妊娠熱瘧渴飲無度石膏二錢生地
黃一錢半黃芩麥門冬人參知母乾葛
各一錢甘草五分右剉作一貼
貼入烏梅一箇同煎服丹心

子懸

妊婦胎氣不和逆上心胃脹滿疼痛
謂之子懸宜用紫蘇飲蔥白湯本事

紫蘇飲

治子懸及臨產驚惶氣結難產最妙紫蘇葉
二錢半人參大腹皮川芎陳皮白芍葉當歸
各一錢甘草五分右剉作一貼
入薑四片蔥白三莖水煎服良方

蔥白湯

治子懸蔥白二十莖即二握右以水一升半
於銀石器內煮至半取汁頓服食蔥盡即愈
良方

感寒

孕婦傷寒產前安胎產後補血為主治法無犯胃
氣及上二焦為三禁謂不可汗不可下不可利小
便也但當和解小柴胡湯主之方見寒門一名三
禁湯保命。妊婦感冒風寒頭痛煩熱宜芎藭散
黃龍湯保安白朮散蔥白湯。孕婦熱病發黑斑
用梔子太青湯。熱病護胎方取浮萍朴硝大黃
蛤粉藍根等分為末貼臍上安胎極妙得效

芎藭散

川芎紫蘇葉白芍藥白朮麥門冬陳皮乾葛
各一錢甘草五分右剉作一貼入薑五蔥白
一二莖水煎服濟生

黃龍湯

治孕婦感寒寒熱如瘧柴胡四錢黃芩人
參甘草各一錢右剉作一貼水煎溫服得效

保安白朮散

治孕婦傷寒安胎白朮黃芩各等分剉
新瓦上同炒香右為末每三錢薑三棗
一煎水調下或同煎服亦可最妙實鑒

蔥白湯

妊娠傷寒，當發散。宜用此。蔥白十莖，生薑切二兩，右剉水煎，連服，取汗。活人。

梔子大青湯

治妊婦熱病發瘧，黃芩升麻梔子各二錢，大青杏仁各五分，右剉作一貼，蔥白

二三莖同煎服。綱目。

孕婦不語

內經曰：人有重身九月而瘖，此為何病？岐伯對曰：胞之絡脈絕，胎胞絡者繫於腎，少陰之脈貫腎繫舌本，故不能言，無治也。當十月復，註曰：分娩則自能言，勿藥可也。孕婦瘖不能言，四物湯方見血門。加大黃芩硝石各一錢，水煎去滓入蜜少許，沈冷時呷服，心火下降，肺金自清，則能言矣。人門。

兒在腹中哭

兒在腹中哭者，母臍帶上疙瘡，乃兒口中聲也。命妊母曲腰向地拾物，使兒復得含入口中，則其聲即止。正傳。一方黃連濃煎汁，令母呷服。

亦止得效。又方：多年空屋下鼠穴中土一塊，命妊婦噙之即止。丹心。

孕婦腹中鍾鳴

孕婦腹中作鍾鳴，取多年空屋下鼠穴中土為末，酒服，或乾噙之即止。人門。

產後諸證

有兒枕腹痛，血暈血崩，血喘，嗽逆，產後不語，產後見鬼，譫妄，產後發熱，產後乳懸，證下乳汁，產後陰脫，產後鬱冒，產後風痊，產後頭痛，產後心腹腰脇痛，產後嘔逆，產後淋瀝，遺尿，產後泄痢，產後秘，結產後浮腫。

兒枕痛

胎側有成形塊，為兒枕子，欲生時枕破，血下若敗，血不下，則成塊，作痛不可忍，乃血癥也。方用失笑散，紫金丸，三聖散，黑龍丹。方見上方。見諸傷起枕散，立效。散。良方。蓬朮玄胡索牡丹皮桃仁紅花煎服即效。良方。

失笑散

治產後兒枕臍腹痛，欲一灰百藥不效，五靈脂蒲黃炒各等分，右為末，每二錢和醋熬成膏。

入水一盞煎至七
分熱服立效局方

紫金丸

治同上右以失笑散末和醋熬膏丸如櫻
桃大每二九童便溫酒各半盞調服良方

三聖散

治產後兒枕痛不可忍當歸一兩玄胡索
心各半兩右為末每二錢童便或熱酒調下

正傳一名玄
胡索散得效

起枕散

治兒枕痛極苦當歸白芍藥各二錢川芎一
錢半白芷桂心蒲黃牡丹皮玄胡索五靈脂

沒藥各七分右剉作一貼
水煎入好醋空心服醫鑑

立效散

治兒枕痛五靈脂炒為末
每二錢溫酒調下良方

一方

治兒枕痛百藥不效螃蟹一箇燒存性研為末
空心溫酒一盞調服立止生男用尖臍蟹生女

用團臍蟹一方螃蟹爛搗和酒服種杏又方
真蒲更一錢白湯調下又太斧燒赤投酒中溫服

本辨

血暈

產後血暈由氣血暴虛血隨氣上迷亂心神故眼
前生花甚者悶絕口噤神昏氣冷宜用清血散良

方。產後血暈有二三有下血多而暈者但昏悶煩
亂而已當補血宜用芎歸湯方見下有下血少而

暈者乃惡露上搶於心心下滿急神昏口噤絕不
知人當破血行血宜奪命散花藥石散方見諸傷

清血散

治產後血暈荆芥穗五錢川芎二錢半人參
澤蘭葉各一錢二分半甘草一錢右為末以

溫酒熱湯各半盞調二
錢灌之下咽即甦良方

奪命散

治血暈譫妄沒藥血竭各等分右為末每二
錢以童便好酒各半盞煎數沸調服神效。

一名血竭
散丹心

四味湯

治產後血暈，當歸、玄胡、索血、竭、沒、藥各一錢，右鹿末、童便煎服。丹心。或細末，每二錢童便調下。名曰四味散。入門。

荊芥散

治血暈，如神。荊芥穗搗為末，每二錢童便一盞調熱服。口噤，斡開灌之。湯液。

醋墨法

防血暈，墨半錠燒赤，投醋中研細。每五分淡醋湯調下，即效。良方。

一方

醋破血暈，取羨清醋熱煎，稍稍含之，即愈。又以醋喫其面，醒來與醋細呷之。又炭火沃醋，常聞其氣。良方。又乾漆或舊漆器燒烟熏鼻，即醒。良方。又韭菜細切盛瓶中，以熱醋沃之，向產婦面熏其氣，即醒。良方。產婦房中常得醋氣為佳。酸益血，故也。本草。又治血暈，悶絕，紅花一兩酒煎服，即甦。本草。

又方

治產後忽昏悶不省人事者，暴虛故也。生雞卵三枚，吞之。若未醒，童便一升飲之。又不醒，竹瀝

血崩

服五合，日三五次，即甦。因以半夏末或皂角末吹鼻中，令覺。良方。產後血崩不止，是謂重傷。宜大劑芎歸湯。方見下。加芍藥煎服，救之。若小腹滿痛，是肝藏已壞，為難治。得效。產後血崩不止，四物湯。方見血門。加蒲黃、生地、黃汁、阿膠、薊根、陳艾、白芷煎服。雲岐。產時下血過多，危急方用濟危上丹。得效。小產後下血不止，方用補氣養血湯。血崩宜五灰散十灰丸。方見血門。

濟危上丹

治產時下血過多，虛極生風，唇青肉冷，汗出，目瞑，命在須臾，切不可用正風藥。亟投此乳香、硫黃、五靈脂、大陰玄精、右陳皮、桑寄生、阿膠、卷栢各等分。右將前四石藥研微火炒，再研細。方入後四藥為末，以生地黃汁和。丸梧子大，溫酒下二、三十九。得效。

補氣養血湯

治小產後下血不止，人參、黃芪、當歸、白朮、白芍藥、酒炒艾葉、阿膠、川芎、青皮、香

附子炒，縮砂研，甘州炙，各一錢。右剉作一貼水煎服。同春。

一方 治產後血崩。取木耳及一斤或半斤者，燒存性，為末入麝香末一錢，煨枳殼末二錢，右和勻。每

取一錢，以烏梅煎湯調下，即止。丹心。

衄血

產後口鼻黑色起，及鼻衄者，名曰胃絕肺敗。此證不可治。急用荊芥散。方見上及禳法。良方。○產後氣血散亂，入於諸經，不得還元，故口鼻黑色起，及變鼻衄。名曰胃絕肺敗。宜用犀角地黃湯救之。方見血門。入門

禳法

急取緋線一條，並產母頂心髮兩條，緊繫產母手中指節，即止。良方

喘嗽

產後喘極危多，死也。產實。○產後喉中氣急喘促者，因所下過多，榮血暴竭，衛氣無主，獨聚肺中，故令喘。此名孤陽絕陰，為難治。宜用大劑芎歸湯小參蘇飲。綱目。○產後喘急命在須臾，宜用奪命散。

方見上

童便好酒各半盞，調和熱服，惡血即下。喘自定。或用獨參湯亦可。方見氣門。入門。○或人

參茯苓水煎服。○產後咳嗽多是瘀血入肺。二母散感胃，宜旋覆花湯。入門

二母散

治產後惡露流入肺經咳嗽。知母貝母白茯苓，各一錢，桃仁杏仁各二錢，右剉作一

貼水煎服。聖惠。

小參蘇飲

治產後敗血入肺，面黑發喘欲死者。蘇木二兩，剉水二椀，煎至一椀，調入參細末二

錢，服之。雲岐

旋覆花湯

治產後感冒風寒，咳喘痰盛。旋覆花赤芍藥，荊芥穗半，夏，翹，五味子，麻黃，赤茯苓，杏

仁，前胡，甘草各一錢，右剉作一貼，入薑棗二水煎服。三四

咳逆

產後咳逆不止，欲死。肉桂五錢，剉薑汁三合，右同煎溫服。二合以手炙火，摩背上，令熱時塗藥汁盡。

良方有黃芩在內，當刪去。

卷二十七

爲丸良方。一方煎壁鏡三良方。五箇取汁熱呷卽差。

產後不語

由敗血干心氣閉塞故舌強不語宜七珍散四味散方見上。痰熱迷心不語者宜孤

鳳散。產後失聲言不出者宜方見血門。茯苓補心湯方見血門。

七珍散

治產後不語人參生地黃石菖蒲川芎各二錢細辛防風辰砂各一錢右爲末每一錢薄

荷湯調服。加甘草一錢名曰八珍散。

孤鳳散

治產後閉目不語白礬爲細末每取一錢熱水調下不以時產實。

產後見鬼譫妄

產後見鬼言語顛倒此由敗血干心也蘇合香丸一錢童便調服卽醒小調經

散亦佳方見下。加龍腦少許服之。瘀血迷心言語謔妄昏暈宜八物湯方見虛勞。去芍藥加琥珀

栢子仁遠志朱砂金銀煎服交感地黃煎丸亦妙入。產後昏冒不省眼目無所知益因血暴迷心

神無所養故也甚則循衣摸空錯語失神宜生地

茯苓散栢子仁散諸方。

交感地黃煎丸

治產後眼見黑花發狂如見鬼狀或中風角弓反張或下血如豚肝狀臍

腹疔痛結爲癥瘕生地黃二斤洗搗以布裂汁留滓以生薑汁炒地

黃滓以地黃汁炒生薑滓各至乾燥爲末爲度蒲黃炒四兩當歸玄胡索琥珀各一兩右爲末蜜丸

彈子大當歸酒化下九局方。

寧神膏

治產後心虛怔忡言語失常不得睡臥酸棗仁炒人參赤茯苓各一兩琥珀七錢半

朱砂乳香各五錢右爲末燈心大棗煎湯調下一錢或蜜丸。彈子大薄荷湯化下一丸。

茯苓散

治產後心虛怔忡不定言謔錯亂人參當歸山藥甘草各一錢半遠志茯苓神桂心麥門冬

各七分半右剉作一貼入

薑三棗二水煎服正傳

栝子仁散

治產後譫言妄語皆心血虧欠心神不守所致栝子仁遠志人參桑寄生防風琥珀當歸熟地黃甘草各等分右剉每五錢先以白羊心一枚煮汁取一盞乃入藥煎至一盞去渣溫服正傳

產後發熱

產後血虛熱入血室以致發熱煩躁晝輕夜重或譫語如見鬼或往來寒熱宜用柴胡四物湯涼血地黃湯牛黃膏保命。產後發熱有五有去血過多者脉必虛大無力腹內無痛宜芎歸調血飲。有惡露不盡者必太小腹有塊作痛宜黑神散。有傷飲食者宜消導。有感風寒者宜發散。有蒸乳者乳必脹痛但捏去乳汁自愈醫鑑。產後因傷寒熱病熱入血室或有瘀血宜柴胡破瘀湯或柴胡地黃湯。產後發熱因風寒則宜用柴胡防歸湯竹葉防風湯。產後熱渴宜熟

地黃湯入參當歸散入門。大小產熱入血室小

柴胡加五靈脂佐以黃連赤茯苓清心涼血即效直指

柴胡四物湯

治產後發熱及熱入血室柴胡生地黃人參半夏甘草各五分右剉作一貼入薑二三片水煎服。一名三元湯保命

涼血地黃湯

治產後發熱生地黃二錢赤芍藥當歸川芎各一錢半右剉作一貼水煎服珍袖

牛黃膏

治產後熱入血室朱砂鬱金各三錢牛黃二錢半牡丹皮二錢甘草一錢龍腦五分右為珍袖

丸并水化下玉機

芎歸調血飲

治產後去血過多以致發熱心煩腹痛頭暈眼花或口噤神昏當歸川芎白朮白茯苓熟地黃陳皮便香附烏藥乾薑益母草牡丹皮甘州各七分半右剉作一貼入薑五棗一煎

服醫卷

黑神散

治產母惡露不下以致發熱煩躁當歸熟地黃白芍藥酒炒肉桂甘州炙各五錢沈香棕欄灰蒲黃沒藥各二錢半乳香一錢半赤芍藥一錢血竭五分右為末每二錢好溫酒調下

柴胡破瘀湯

治產後因傷寒熱病熱入血室或惡露不下者柴胡黃芩半夏甘草赤芍藥當歸生地黃各一錢桃仁五靈脂各五分右剉作一貼水煎服入門

柴胡地黃湯

治產後熱入血室寒熱譫妄如見鬼柴胡生地黃各二錢人參半夏黃芩各一錢甘草五分右剉作一貼入薑三棗二水煎服得效

柴胡防歸湯

治產後發熱不因其血蓄血傷食蒸乳四證外果係風寒表證則用此當歸三錢川芎一錢半柴胡人參各一錢半夏陳皮防風各八分甘州五分左右剉作一貼入薑三棗二枚

水煎服入門

竹葉防風湯

治產後傷風頭痛發熱青竹葉二十四片防風人參桂枝桔梗前胡陳皮赤茯苓各一錢右剉作一貼入薑三棗二水煎服入門

熟地黃湯

治產後虛渴天花粉二錢人參麥門冬各一錢半熟地黃一錢甘草五分右剉作一貼入糯米百粒薑三棗二水煎服得效

人參當歸散

治產後血生內熱煩渴當歸熟地黃白芍藥人參麥門冬各一錢桂皮五分右剉作一貼先以粳米一合青竹葉十片水二盞煎至一盞去米葉乃入煎藥及薑三棗二水再煎服入門

一方

治產後發熱煩渴生藕汁飲一升合生地黃汁尤妙本州○又竹瀝飲一盃甚妙丹心○婦人

月經水飲之
最妙 俗方

產後乳懸證

詳見 乳部

下乳汁

產後乳汁不行有二有氣血盛而壅閉不行者有氣血弱而枯涸不行者壅閉則宜用漏蘆散枯涸則宜用通乳湯

○產後乳脈不行身體壯熱宜用玉露散
下乳汁治法當
參考乳部用之

玉露散

涼膈壓乳下乳汁桔梗川芎白芷各一錢赤芍藥一錢半人參赤茯苓甘艸各一錢當歸五分右剉作一貼水煎服良方

猪蹄粥

治乳無汁猪蹄四隻治如食法右水二斗煮取六升去滓入葱豉及小米煮作稀粥食之本草

一方

下乳汁宜效荷苞子糯米各一合石細研水一椀攪勻入甘草末一錢煎頻頻呷服效雲岐

又麥門冬末二錢酒磨犀角汁一盞調服
又赤小豆煮汁飲又鯉魚羹食之本草
治乳無汁野豬脂每取一匙和一盞溫酒服且二三乳即下且多可供五兒臘月脂尤佳 本草

每酒煮服
良俗方

產後陰脫

產後陰門脫出蓋努力太過所致若脫肛狀逼迫腫痛清水續續小便淋瀝宜用當歸黃芪飲外用硫黃烏賊骨各五錢五倍子二錢生為末付患處即效丹心

○產後生腸不收八物湯
見虛勞
加防風升麻須用酒炒黃芪為君煎服外

以枵根白皮五錢荆芥升麻藿香各二錢煎湯熏洗患處即入又枳殼二兩煎湯溫浸良久自入丹

心○產後陰戶突出四物湯方見血門加龍骨無則用五倍子連用二貼外以香油和湯洗患處且取如聖膏方見上貼頂上入門○產後陰戶兩傍

良俗方

取如聖膏方見上貼頂上入門○產後陰戶兩傍

取如聖膏方見上貼頂上入門○產後陰戶兩傍

取如聖膏方見上貼頂上入門○產後陰戶兩傍

取如聖膏方見上貼頂上入門○產後陰戶兩傍

腫痛手足不能舒伸用四季蔥入乳香末同搗成餅安於陰戶兩傍良久即愈入門。子宮大痛不可忍五倍子白礬等分煎湯熏洗又為末擦之入門。產後玉門不斂宜用硫黃湯。一法香油五斤煎熱盛盆坐其中一食頃以皂角末吹鼻作嚏即收丹心。又取大紙燃蘸油點火吹滅以煙熏產母鼻即上良方。

當歸黃芪飲

治產後陰脫黃芪酒炒三錢人參當歸升麻各二錢甘草一錢右剉作一貼水煎服日三。

煎服日三

硫黃湯

治產後玉門不斂硫黃四兩吳茱萸虎絲子各一兩半蛇床子一兩右研每五錢水一椀煎湯乘溫頻熏洗

患處自斂正傳

陰脫治驗

一婦人產後陰戶中下一物如合鉢狀有二岐此子宮也必氣血弱而下墜遂用升

麻當歸黃芪大料二貼與之半日已收但乾破一片如掌大落在席上其婦恐腸破哭泣予思之此非腸胃乃糟粕也肌肉破尚可補完若氣血充盛必可生滿用補中益氣湯方見內傷去柴胡連進二三太劑一響而收後以四物湯加人參百餘貼連服三年後復生子

又法

出肉線一條長三四尺牽引心腹痛不可忍以手微動則痛苦欲絕先服失笑散方見上數貼仍

用生薑三斤淨洗不去皮搗爛清油二斤拌勻炒熟以油乾為度卻用熟絹五尺摺作數層令婦人輕輕盛起肉線使之屈曲作一團納在水道口卻用絹袋兜裹油薑令稍溫付在肉線上熏之覺薑冷又用熨斗火熨之如薑氣已盡又用新者如此熏熨一日一夜其肉線已縮夜半再用前法越兩日肉線盡入腹中其病全安卻再服失笑散芎歸湯調理不可切斷肉線即不可治矣得效

鬱冒

婦人經水適下而發其汗則鬱冒不知人何也師
曰經水下故為裏虛而發其汗則表亦虛此為表
裏俱虛故令鬱冒也脈經曰產後亡血昏冒不省
移時方悟名曰鬱冒亦名血厥宜用倉公散噎鼻
令甦內服白薇湯二方並見救急門婦人產後
亡血昏冒不省瞑目無所知蓋因血暴亡心神無
所養故也與日合眼之病悉屬於陰亡血補血
又何疑焉全生活血湯主之方見胞門東垣

產後風症

凡產後發熱若舌蹇唇急手指微動便急作
風症療之宜歸荆湯獨活酒直指○產後中
風名曰蓐風口噤牙緊手足痠癢欲死宜愈風散
歸荆湯如口噤反張涎潮者為產後宜交加散豆淋
酒紫湯入門○產後產血氣太虛不宜發表但用
防風當歸散最妙綱目○產後風病宜用血風湯
丹心○產後產因虛遇風挾痰而作宜服人參竹
瀝之類又竹瀝一升頓服大效千金○產後中風
必當大補氣血然後治痰切不可作中風治而用
發表出汗之藥八物湯方見虛勞加減用之為可

丹心○產後汗多風入成瘧者難治入門

歸荆湯

治產後風症荆芥穗微炒當歸身尾各
等分右為末每三錢豆淋酒調下入門

獨活酒

治產後風症獨活白鮮皮各五錢右
剉酒二升煎取一升分二服本草

愈風散

治產後中風荆芥穗畧炒為末每三錢豆
淋酒調下得效○一名舉卿古拜散產寶

交加散

治產後瘧生地黄黃一斤生薑十二兩各搗自
然汁以生地黄黃汁炒生薑滓以生薑汁炒生

地黃滓合焙乾為末每
三錢溫酒調服入門

豆淋酒

治產後風症黑豆一升炒熟來熟投
二三升清酒中密封隨量飲之本草

紫湯

治同上黑豆二合炒香熟以酒一
盞煮取七分去豆空心頓服良方

防風當歸散

治產後瘧防風當歸川芎熟地黃各
二錢半右剉作一貼水煎服海藏

血風湯

治產後諸風攣急或痿弱川芎當歸熟地黃
白朮白茯苓各一兩白芍藥秦艽羌活白芷
各七錢防風五錢右以一半為細末溫酒調下二
錢以一半為末蜜丸梧子大溫酒吞下五七十九
心

產後頭痛

凡產後發熱身痛頭疼不可便作感冒治之
此等多見血虛或敗血作梗宜玉露散
上或四物湯加柴胡煎服良方
一奇散即芎歸湯也加荊芥穗二錢煎服必效
或一婦產後患頭痛與心痛互作苦極欲死用
黑龍丹方見上一丸下如蟬虫子惡物二三升許即
愈良方

產後心腹腰脇痛

產後心腹疼痛全然是瘀血宜八味黑
神散四味散方見上失笑散方見上
○入門
桂當歸丸良方
○產後惡露斷絕腰腹重痛宜桃仁湯桃
○產後胃腹脇腰痛此惡血為患

四物湯倍芎歸加鬼箭羽紅花玄胡索各一錢煎
水調沒藥散服之即效保命
○產後左脇痛宜養
血佐肝丸右脇痛宜推氣養血丸醫鑿
○冬月解
產膈下痛宜羊肉湯仲景
○產後血瘦痛無定處
童尿三升生地黃汁生藕汁各一升生薑汁二升
右先煎二三味約三分減一分乃下薑汁慢火煎如
稀餲每取一合
溫酒調服良方

八味黑神散

治產後惡露不盡心胃膈腹撮痛及
迷血暈蒲黃赤芍藥乾薑肉桂當歸熟
地黃甘艸各一兩黑豆四兩炒右為末每二錢童
便溫酒調下局方
○本方加百草霜五錢又名烏
金散
得效

桃仁湯

治產後惡露方行忽然斷絕腰腹重痛或流
注腿股作痛桃仁蘇木生地黃各五錢蚘虫
水蛭並炒各二十枚右為鹿末每三錢水一盞煎
至六分去滓溫服惡血下即止如有大痛處必作

癰疽宜取五香連翹湯方見癰疽
去大黃水煎入竹瀝服之良方

桃桂當歸丸

治產後惡露方行忽然斷絕驟作寒熱
臍腹百脈皆痛狀如錐刺桂心赤芍藥
各五錢當歸桃仁沒藥各二錢半
各三十枚右為末醋麩糊和丸
豌豆大醋湯下三十丸
良方

沒藥散

治產後血瘀作痛沒藥二錢
金中炒二錢水蛭炒一錢麝香一字
右為末每取二錢服之
保命

養血佐肝丸

治產後左脇脹悶一塊痛臥不著
席香附醋炒一兩當歸川芎白芍藥酒炒
陳皮半夏油炒白朮炒青皮油炒
神麩炒蘿蔔子炒牡丹皮紅花白
茯苓各一兩柴胡酒炒桃仁炒各
八錢草龍膽酒洗六錢三稜蓬朮
並醋炒各五錢右為末酒糊和丸
梧子大空心白湯下百丸

推氣養血丸

治產後右脇膨脹有塊如豎弦
一條養血酒炒白朮土炒青皮油炒
陳皮枳實烏藥厚朴神麩乾薑炒
黑白芥子炒各一兩三稜蓬朮並醋炒
各八錢麥芽炒肉桂各六錢木香
三錢右為末醋糊和丸梧子大空心
以米飲吞下百丸醫鑿

羊肉湯

冬月解產寒氣入產門臍下脹痛
手不可近此寒疝也羊肉四兩當歸
陳皮各二兩生薑一兩右剉水三碗
酒一盞煎至二碗去滓分二次溫服
正傳

產後嘔逆

產後腹脹滿悶嘔吐不定此由敗血
入脾胃故不能飲食也宜用抵聖湯
香靈丸正傳

抵聖湯

治產後嘔逆惡心不能飲食赤芍藥
半夏澤蘭葉人參陳皮各一錢半
甘草五分右剉作二貼入薑七片
水煎服濟生

香靈丸

治產後嘔逆不止丁香辰砂別研
各六分五靈脂一錢右研勻用狗膽
或猪膽和丸芡實大

以生薑陳皮煎湯磨
化一丸服之
本車

產後淋瀝遺尿

婦人產理不順致傷遺尿無時宜用參
朮膏丹
○產後淋瀝宜用茅根湯
三因

○產後遺尿宜桑螵蛸
散黃芪芍藥湯
三因

參朮膏

治產後脾損成淋
參二錢半白朮二錢黃
芪一錢半陳皮桃仁白茯苓各一錢甘草五
分右剉作一貼水煎猪羊腔後入藥再煎去滓溫
服空心
○一產婦因收生者不謹損破尿脬而致
淋瀝不禁遂為廢疾因思肌肉在外而破尚可補
完診其脈虛甚試與峻補服參朮膏至一月而安
蓋血氣驟長其脬自完
恐稍遲亦難成功
丹心

茅根湯

治產後淋白茅根四兩白茯苓二兩瞿麥麥
子人參各一兩蒲黃桃膠滑石甘草各五錢
紫貝五箇石管魚頭中石十六箇右為末每二錢
木通湯調下或為鹿末三錢燈心同煎服亦可
三因

桑螵蛸散

治產後淋數及遺尿
桑螵蛸十五箇炒鹿
茸酥炙黃芪各一兩半牡蠣粉人參赤石
脂厚朴各一兩右為末空心以米飲調下
二錢
○又桑螵蛸酒炒為末薑湯調下二錢亦效
綱目

黃芪芍藥湯

治產後遺尿不禁
黃芪當歸尾白芍藥
各一錢半白朮一錢人參陳皮各五分
甘草炙二分右剉作一
貼水煎空心服
三因

產後泄痢

產後泄瀉宜的奇散
○產後月內痢宜鴨子
煎方見上
又四物湯加桃仁黃連木香
主之
入門
○當歸芍藥
散亦可方見通治

的奇散

治產後泄瀉惡露不行
此餘血滲入大腸為
瀉下青黑色物是驗
大荆芥穗於蓋內然火
燒存性不得犯油火入麝香少許研為末
每取一錢沸湯一二呷調服神效
得效

產後大便祕結

產後有二種疾鬱胃則多汗汗多則太
便難蓋新產血虛多汗出致胃燥津

夜故大便祕結宜蘇麻粥方見大便及滋腸五仁丸正傳。產後大便不通膨滿氣急難以坐臥取麥蘗末酒調下一合神效丹心

滋腸五仁丸

治產後陰血虛耗大便閉澀橘紅末四兩杏仁桃仁各一兩栢子仁五錢松子仁二錢半郁李仁一錢右各別研為膏合橘紅末蜜丸梧子大米飲下五六十九正傳

產後浮腫

產後浮腫此由敗血循經流入四肢故也血行腫消即愈或敗血停蓄血化為水而浮腫宜大調經散小調經散正脾散良方。產後浮腫必大補氣血為主四君子湯方見氣門加蒼朮煎服忌峻利之劑或用五味白朮散。

產後風腫水腫宜用澤蘭散丹心

大調經散

治產後腫滿喘急尿澀黑豆炒一兩茯苓神五錢琥珀一錢右為末烏豆紫蘇葉煎湯

調下二下
錢良方

小調經散

治產後浮腫當歸一兩桂心赤芍藥各五錢沒藥琥珀甘草各二錢細辛麝香各一

錢右為末每二錢溫酒入薑汁調服良方

正脾散

治產後通身浮腫蓬朮炮瘦香附子陳皮茴香甘草炙各等分右為末每二錢燈心木通煎湯調

煎湯調下正傳

五味白朮散

治產後腫宜補中導水行氣白朮三錢陳皮一錢半木通川芎赤茯苓各一錢

右剉作一貼入水煎吞下與點丸方見火門二十五丸丹心

澤蘭散

治產後風腫水腫澤蘭防己各等分右為末每二錢溫酒或醋湯調下丹心

產後脉法

絕者生。診婦人新產脉沈小者生實大堅強急者死。脉經。新產之脉緩滑吉實大弦急者來侵又云沈細附骨不絕生脉訣

產後治法

產後當大補氣血為先宜用補虛湯雖有雜證以未治之。又云胎前母帶產後母虛產後切不可發表又不可用芍藥以性味酸寒能伐生發之氣故也。丹心。產後必先逐瘀補虛為主。瘀消然後方可行補如不逐瘀服參芪之屬或致瘀血攻心即危。入門。產後用補虛湯如發熱輕則加茯苓淡滲之重則加乾薑或問大熱用乾薑何也曰此非有餘之邪乃陰虛生內熱耳蓋乾薑能入肺分利肺氣又能入肝經引眾藥生血然必與補陰藥同用之此造化之妙非天下之至神其能與於此哉。丹心。大抵產病天行則用增損柴胡即小柴胡湯也。雜病則用加減四物即四物湯也。四物加減法春倍川芎夏倍芍藥秋倍地黃冬倍當歸。綱目。

補虛湯

人參白朮各一錢半當歸川芎黃芪陳皮各一錢甘草七分右剉作一貼入薑三片水煎服熱輕倍加茯苓熱重加酒芍熱甚加乾薑炒黑引諸藥入肝經生血。入門。

產後虛勞

產後未滿月不宜多用七情勞倦行動或作鍼土恣食生冷粘硬之物及犯觸風寒當時未覺厥後即成虛勞凡產後滿百日乃可交合不爾至五六月虛羸百病滋長慎之。良方。產後勞傷過度名曰虛勞其證虛羸乍起乍臥飲食不消時有咳嗽頭目昏痛發渴盜汗寒熱如瘧十全大補湯。方見虛勞。

去川芎加續斷牛膝鼈甲桑寄生桃仁為鹿未先將猪腎一對薑一片棗三枚水三盞煎至一盞半入前藥末三錢及蔥白三寸烏梅一箇荆芥五穗再煎至七分去滓空心溫服。入門。產後勞傷宜用當歸羊肉湯當歸建中湯。方見虛勞。增損四物湯人參鼈甲散熟地黃散。諸方。

當歸羊肉湯

治虛勞肥羊肉四兩當歸川芎黃芪各一兩二錢半生薑一兩半右剉水九盞煎至二三盞分三服。良方。一方無羊肉代以猪內腎一雙。入門。

增損四物湯

治產後亡血榮衛虛損乍寒乍熱四物湯去熟地黃加人參乾薑甘艸等分煎。

人參鼈甲散

治產後蓐勞黃芪鼈甲各一錢二分半
牛膝一錢人參桂心桑寄生當歸白朮
苓白芍藥桃仁熟地黃麥門冬甘草各七分
半續斷五分右剉作一貼空心水煎服得效

熟乾地黃散

治產後氣血未復而有房事勞損下血
頭白沈重熟地黃一錢半當歸蟹爪微
炒鹿角膠珠男子視布燒存性各一錢伏龍肝七
分半蒲黃炒白茯苓白芍藥各五分桂心甘州各
二分半右剉作一貼入
青竹茹一錢水煎服得效

過月不產

妊娠之婦有按月行經而胎自長者有二三五月
或逾月而始產其理何歟曰其按月行經而胎
自長者名曰盛胎蓋其婦氣血充盛養胎之外其
血尤有餘故也其有數月胎而血大下者謂之漏
胎蓋因事觸動經脈故血下而未傷於子宮故也

雖然孕中失血胎雖不墮其氣亦虧多致逾月不
產予曾見有十一二月或十七八月或二十四五
箇月生者往往有之俱是氣血不足胚胎難長故
爾凡十月之後未產者當服大補氣血之藥以培
養之庶分娩之無虞也 正傳 ○ 過月不產用八物
湯方見虛癆 加黃芪鹿角膠珠煎服峻補之 正傳
○ 又方四物湯方見血門 加香附桃仁
枳殼縮砂紫蘇葉水煎服即產 良方

妊娠通治

宜用芎歸湯四物湯 方見血門 保安丸
當歸芍藥散益母丸 方見上 益母膏

芎歸湯

治產前產後諸疾及血暈不省橫生逆產外
胎不下血崩不止臨月服之則縮胎易產產
後服之則惡血自下川芎當歸各五錢右剉作一
貼水煎服日二三次。又治半產去血多產後去
血多崩中去血多金瘡去血多拔牙去血多及
一切去血過多眩暈悶絕不省人事者連進數服
即甦得效 ○ 當歸六錢川
芎四錢名佛手散方見上

保安丸

治產前產後諸疾生乾地黃別為末馬鳴退炙即子蚕退紙各一兩赤茯苓牡丹皮白芍藥各七錢半川芎細辛人參肉桂當歸牛膝白芷木香藁本麻黃澤蘭葉附子炮甘州炙寒水石煨防風桔梗蟬退各五錢石茱萸沈香各二錢半右為末蜜丸彈子大酒下一丸 御院

當歸芍藥散

治妊娠心腹痛及泄痢產前產後通用白芍藥二錢半川芎澤瀉各一錢半當歸赤茯苓白朮各七分半右剉作一貼水煎服或為細末溫酒調下二錢 局方

益母丸

一名濟陰丹治產前產後一切諸病及難產橫逆能行血養血安胎順氣又能活血行氣有補陰之妙故名 命方見上 丹心

益母膏

一名返魂丹通治妊娠諸病及催生神效又治橫生逆產及死胎不出胞衣不下益母草重午日不犯鐵器採取洗淨搗取汁銀右器熬成膏右每取一大匙溫酒或白湯化下 丹心

斷產

婦人產育艱難或一歲一產可以此少間之四物湯加芸薹子一撮煎於經行後空心服得效 〇母有宿疾終不可保險者牛膝四分瞿麥桂心蟹爪各二分為末空心溫酒調服以下之免害其母入門 〇妊婦因疾病胎不能安可下之法麩四兩水二大盞煎取一盞去滓分三服即下 良方 〇又方麥芽神麩各半斤和水煮服之即下神效 良方 〇又方又方附子二枚為末醋調塗母右足去之 大良 良方 〇斷子法用白麩麩一升好酒五升打作糊煮至二升半以絹濾去渣作三服候月經將來日晚下吃一服次日五更吃一服天明吃一服月經即行終身絕子 丹心 〇又方故蚕紙方圓一尺燒存性為末酒飲調服終身不復懷孕 良方 〇又方油煎水銀空心服如棗核大一丸永斷不損人 良方

寡婦師丘之病異乎妻妾

宋褚澄療師丘寡婦別製方蓋有謂也此一種寡婦居獨陰無陽慾心萌而多不遂是以陰陽交爭乍寒乍熱全類溫瘧久則為勞史記倉公傳載濟北王侍人

韓女病腰背痛寒熱衆醫多以爲寒熱倉公曰病
得之欲男子不可得也何以知之診得其脉肝脉
弦出寸口是以知之蓋男子以精爲主婦人以血
爲主男子精盛以思室婦人血盛以懷胎如厥陰
脉弦出寸口又上魚際則陰盛可知故知褚氏之
言有謬矣寶鑿○寡婦師丘鬱抑成病其證惡風
體倦乍寒乍熱面赤心煩或時自汗肝脉弦長而
出寸口宜柴胡抑肝湯芙蓉散抑陰地黄丸越鞠
丸方見積聚○每日上午神思昏憤怕見明處惡
聞人聲至午後方可頭昏腹痛驚惕稍涉勞動與
月經來時其證尤劇此不得遂志之故也宜清神
養榮以四物湯加人參茯神陳皮柴胡羌活香附
子甘草煎服○或有與鬼交通者由神不守舍或
時獨笑或泣脉遲伏或如雀啄顏色不變者宜茯
神黃芪湯

柴胡抑肝湯

治寡居獨陰無陽恚心萌而多不遂以
致寒熱類瘧柴胡二錢青皮一錢半赤

芍藥牡丹皮各一錢地骨皮香附子梔子蒼朮各
七分川芎神麩炒各五分生地黃連翹各三分甘
州二分右剉作一
貼水煎服入門

芙蓉散

治男無室女無夫思慾動火以致曾痛自汗
頰赤脉亂用芙蓉葉有花帶花有子帶子殊
一朶槁爛和井水瀝
去渣服之即效入門

抑陰地黄丸

治寡婦勞證生乾地黄二兩赤芍藥一
兩柴胡黃芩秦艽各五錢右爲末蜜丸
梧子大烏梅湯下
二五十九丸入門

茯神黃芪湯

茯神羌活蔓荊子防風薏苡仁黃芪五
味子麥門冬石菖蒲黃芩各一錢甘州
五分左右剉作一
貼水煎服入門

藏燥證

婦人藏燥悲傷欲哭象如神靈所作數欠伸甘
麥大棗湯主之仲景○有自哭自笑者紅棗燒

存性米飲
調服 人門

甘麥大棗湯

甘州一兩小麥三合大棗七枚右剉作
二貼水二升煎至一升溫服產前產後

皆可用

仲景

治驗

鄉里有婦人數旬無故悲泣不止或謂之有
祟祈禳請禱皆不應于急治甘麥大棗湯服二

貼而愈

本事

臨產預備藥物

芎歸湯 ○ 四物湯 ○ 催生丹 ○ 香桂散
命散 ○ 三退散 ○ 益母丸 ○ 返魂丹 ○ 如神散 ○
涼血地黃湯 ○ 黑龍丹 ○ 霹靂丹 ○ 催生如聖散
○ 犀角地黃湯 ○ 如聖膏 ○ 生蔥 ○ 生薑 ○ 草麻
子 ○ 海馬 ○ 石燕子 ○ 猪脂 ○ 香油 ○ 益母草 ○
白蜜 ○ 阿膠 ○ 雞卵 ○ 清酒 ○ 米醋 ○ 竹瀝 ○ 紅
花 ○ 荊芥 ○ 蒲黃 ○ 陳艾 ○ 生地黃 ○ 滑石 ○ 麝

婦人雜病

香 ○ 朱砂 ○ 皂
莢 ○ 鱧鼠皮

婦人者衆陰之所集常與溼居十五以上陰
氣浮溢百想經心內傷五藏外損姿容月水
去留前後交牙瘀血停凝中道斷絕其中傷墮不
可具論所以婦人別立方者以其氣血不調胎妊
產生崩傷之異故也婦人之病與男子十倍難療
以其嗜慾多於丈夫感病倍於男子加以疾妒憂
恚慈戀愛憎淡著堅牢情不自抑所以爲病根深
也 聖惠 ○ 七癢八癢九種心痛十二帶下共三十三
六病雖有名數莫詳證狀推原其理無非血病得
效 ○ 婦人氣盛於血所以無子且變生諸證頭暈
膈滿宜抑氣散異香四神散 入門 ○ 婦人虛勞宜
用滋陰百補丸 人參荊芥散逍遙散加味逍遙散
滋血湯滋陰地黃丸 扶神湯三合湯 ○ 身有血線
宜橘歸丸 ○ 百病通治宜神仙聚寶丹濟陰丹
見上 益母丸 益母膏 方並見上 ○ 茯苓補心湯治
虛勞熱嗽無汗 方見血門 滋陰至寶湯治虛勞熱

嗽有汗
同春

抑氣散

香附子四兩陳皮二兩茯苓神甘草各一兩右為末每二錢沸湯點服入門

異香四神散

香附子四錢陳皮三錢烏藥二錢甘草一錢右剉作一貼入薑三片棗二枚水煎服

煎服
濟陰

滋陰百補丸

治氣血不足乍寒乍熱不思飲食疝羸無方四製香附末八兩四製法詳見肥

益母草末四兩當歸三兩川芎熟地黃白朮各二兩白芍藥一兩半白茯苓人參玄胡索各一兩甘草五錢右為末蜜丸梧子大或酒或醋湯或白湯下五七十九入門

人參荊芥散

治血風體痛寒熱盜汗頰赤口乾痰嗽胃滿或月水不調臍腹痛疔痛癩成塊人參荊芥生乾地黃柴胡鼈甲酸棗仁炒枳殼羚羊角白朮各七分半桂心川芎當歸防風牡丹皮

赤芍藥甘草各五分左右剉作一貼入薑三片煎服入門

逍遙散

治月經不調及血虛五心煩熱寒熱如癰白朮白芍藥白茯苓柴胡當歸麥門冬各一錢甘草薄荷各五分左右剉作一貼入薑三片水煎服入門

加味逍遙散

治血虛煩熱潮熱盜汗痰嗽似勞白芍藥白朮各一錢一分知母地骨皮當歸各一錢白茯苓麥門冬生地黃各八分梔子黃柏各五分桔梗甘草各三分右剉作一貼水煎服入門

滋血湯

治婦人心中肺俱損血脈虛弱皮聚毛落或月水愆期常歸白芍藥山藥黃芪熟地黃各一錢半人參川芎白茯苓各七分半右剉作一貼水煎服入門

滋陰地黃丸

治虛勞吐衄咳嗽血發熱痰嗽盜汗心忪或經水不調不通熟地黃薑汁浸焙四兩山茱萸山藥天門冬麥門冬生乾地黃酒洗知母酒炒貝母炒當歸酒洗香附末童便浸炒各

二兩白茯苓牡丹皮澤瀉各一兩半右為末蜜丸梧子大空心鹽湯吞下百丸 醫鑿

茯神湯

治婦人風虛夢與鬼交安有所見言語譫亂赤芍藥五分右剉作一貼水煎空心服 醫鑿

三合湯

治婦人虛勞鍼灸不效者白朮當歸白芍藥黃芪白茯苓熟地黃川芎各一錢柴胡人參各七分半黃芩半夏甘草各五分半右剉作一貼入薑三棗二水煎服 保命 ○即八物湯合小柴胡湯三方合劑也 一名三分散 入門

橘歸丸

治婦人肌膚手足俱有血線路此怒氣傷肝血失常經故也橘紅四兩當歸二兩右為末蜜丸梧子大溫酒下 五七十九丸 入門

神仙聚寶丹

治經候不調及血氣攻注腹脇疼痛積聚成塊及婦人諸疾琥珀當歸各一兩

沒藥乳香各一錢半辰砂木香麝香各一錢右為末滴水為丸每兩作十五丸每丸溫酒磨下 局


滋陰至寶湯

治婦人諸虛百損五勞七傷經脈不調寒熱羸瘦當歸白朮各一錢白茯苓陳皮知母貝母使香附地骨皮麥門冬白芍藥酒炒各八分柴胡薄荷甘草各五分右剉作一貼薑三水煎服 醫鑿

安產室

妊娠入月便為產圖一本貼掛產母房內北壁上方 ○又貼催生符借地法

安產方位圖



產圖及催生符借地法並以朱畫於產母房內北壁上先貼產圖次貼催生符次貼借地法讀咒借地法三遍而止

凡逐月安產藏胎衣並向月德月空方位所有七十二神殺並須避忌若交得次月即換次月產圖有入從入節日作產圖者非也假如正月十四日立春若姪婦十二日臥乳豈可作去年十一月用也必依每月朔日用之乃是若依節氣更換則天德月德所在差矣。凡產訖棄沃污穢不淨之水並隨藏衣之方所向不狗遠近棄之切忌閉肚方良方。如正月月德在丙可安產室月空在壬可藏胎衣餘倣此良方

安產藏胎衣吉方

凡月德安產室月空藏衣為準

正	二	三	四	五	六	七	八	九	十	十一	十二
月	月	月	月	月	月	月	月	月	月	月	月
天德	丁	坤	壬	辛	乾	甲	癸	艮	丙	乙	巽
月德	丙	甲	壬	庚	丙	甲	壬	庚	丙	甲	壬
	庚		庚		庚		庚		庚		庚

月空 壬 庚 丙 甲 壬 庚 丙 甲 壬 庚 丙 甲
 生氣 子 丑 寅 卯 辰 巳 午 未 申 酉 戌 亥

催 生 符

鼠 出 凶 死 氣

右符以朱砂書之貼於房內北壁上遇坐草之時
 剗於鍼上就燈燒之不得飛揚溫水調服妙良方
 體玄子借地法 咒曰東借十步 西借十步 南借十
 步 北借十步 上借十步 下借十

步壁房之口四十餘步安產借地恐有穢汚或有
 東海神王或有西海神王或有南海神王或有北
 海神王或有日遊將軍白虎夫人遠去十丈軒轅
 招搖舉高十丈大符地軸入地十丈令此地空閑
 產婦某氏安居無所妨碍無所畏忌諸神擁
 護百邪逐去急急如律令勅讀三遍得效

月遊胎殺所在

正月在房上 二月在窗戶 三月在
 門堂 四月在竈 五月在身床 六
 月在床倉 七月在碓磨 八月在厠戶 九月
 在門房 十月在床房 十一月在爐竈 十二
 月在床
 房局方

日遊胎殺所在

甲巳日在門 乙庚日在碓磨 丙
 辛日在井竈 丁壬日在厨解 戊癸
 日在米倉 子丑日在門 未申日在
 中堂 寅卯辰酉日在竈
 凡胎殺所在不遠修整雖隣家興動孕婦當避
 縱不墮胎命兒破形色青體孳竅塞或至夭殞可

不戒之局方

房中日遊神所在

癸巳甲午巳未丙申丁酉日在房內
北○癸卯日在房內西○甲辰乙巳
丙午丁未日在房內東○六戊六巳日在房中○
庚子辛丑壬寅日在房內南○凡遊神所在忌安
床換帳致重物於床中
必主傷產墮胎局方

推婦人行羊法

逐一排行年吉凶于後按
右件七神詳斷吉凶局方

宜宜 生禍絕開八反懸
臥著 氣害命肚疰支尸
方衣 方方方方方月方

十三歲 庚申

西南黃衣 坤 南 巽 辛 甲 正 七 辰 戊

十四歲 巳未

正南赤衣 南 坤 兌 壬 癸 二 八 卯 酉

十五歲 庚午

正北黑衣 坎 乾 艮 癸 壬 三 九 寅 申

十六歲 丁巳

正東青衣 震 艮 乾 甲 辛 四 十 丑 未

十七歲 丙辰

東北黃衣 艮 震 坎 乙 庚 五 十 子 午

十八歲 乙卯

西北黑衣 乾 坎 震 丙 丁 六 十 巳 亥

十九歲 甲寅

正西白衣 兌 巽 南 丁 丙 正 七 辰 戌

二十歲 癸丑

東南黃衣 巽 兌 坤 庚 乙 二 八 卯 酉

二十一歲 壬子

西南黃衣 坤 南 巽 辛 甲 三 九 寅 申

二十二歲 辛亥

正南赤衣 南 坤 兌 壬 癸 四 十 丑 未

二十三歲 庚戌

正北黑衣 坎 乾 艮 癸 壬 五 十 子 午

二十四歲	二十四歲	二十五歲	二十六歲	二十七歲	二十八歲	二十九歲	三十歲	三十一歲	三十二歲								
酉	巳	戌	丁	丙	乙	甲	癸	壬	辛								
正東青衣	震艮乾甲辛六十二巳亥	東北黃衣	艮震坎乙庚正七辰戌	西北白衣	乾坎震丙丁四十四丑未	正西白衣	兌巽離丁丙五十一子午	東南黃衣	巽兌坤庚乙六十二巳亥	西南黃衣	坤離巽辛乙五十一子午	正南赤衣	離坤兌壬癸六十二巳亥	正北黑衣	坎乾艮癸壬正七辰戌	正東青衣	震艮乾甲辛二一八卯酉

三十三歲	三十四歲	三十五歲	三十六歲	三十七歲	三十八歲	三十九歲	四十歲	四十一歲									
庚子	巳亥	戌	丁酉	丙申	乙未	甲午	癸巳	壬辰									
東北黃衣	艮震坎乙庚三十九寅申	西北白衣	乾坎震丙丁四十四丑未	正西白衣	兌巽離丁丙五十一子午	東南黃衣	巽兌坤庚乙六十二巳亥	西南黃衣	坤離巽辛乙五十一子午	正南赤衣	離坤兌壬癸六十二巳亥	正北黑衣	坎乾艮癸壬三十九寅申	正東青衣	震艮乾甲辛四十四丑未	東北黃衣	艮震坎乙庚五十一子午

東晉書卷之九

五

四十二歲	四十三歲	四十四歲	四十五歲	四十六歲	四十七歲	四十八歲	四十九歲	一生氣方
辛卯	庚寅	己丑	戊子	丁亥	丙戌	乙酉	甲申	
西北黃衣	正西白衣	東南黃衣	西南黃衣	正南赤衣	正北黑衣	正東青衣	東北黃衣	產婦宜向之坐臥及床帳向之開門大吉局方
乾坎震丙丁六	兌巽商丁丙正	巽兌坤庚乙二	坤商巽辛甲三	商坤兌壬癸四	坎乾艮癸壬五	震艮乾甲辛六	艮震坎乙庚正	
二十巳亥	七辰戌	八卯酉	九寅申	十丑未	十一子午	十二巳亥	七辰戌	

二反支月

遇此月卽鋪灰用牛皮或馬驢皮

三禍害月

訖鋪草勿令惡血汚地

四絕命方

不得於其上產又不得向之大小便避之

五懸尸方

遇此日產不得繫繩

六開肚方

臨月及滿月並不得向之大小便及棄不淨之水

七八疰方

產帳不得向之開門忌之

小兒初生救急

凡十條

小兒

初生氣欲絕不能啼必是難產或冒寒所致急以綿絮包置懷中勿斷臍帶且將胞衣置爐火中燒之仍作大紙捲蘸油點火於臍帶下熏之命火氣入腹更以熱醋湯盪洗臍帶須令氣回啼哭

如常方可斷

臍帶三因

小兒

初生面青身冷口噤乃胎寒也。用白僵蚕散急救之。白僵蚕木香肉桂陳皮檳榔甘州炙各五

分。右到水煎取汁以綿蘸入兒口中入門。

小兒

初生有卽外者急看兒口中懸雍前腭上有泡如石榴子以指摘破出血以帛拭去髮灰擦之。

若惡血入口中卽外入門。

小兒

初生忽患撮口不飲乳名曰馬牙不治則百無一生。便看兒齒齦上有小泡子如粟米狀急以

鍼挑出血用墨磨薄荷汁斷母髮少許裹手指蘸墨遍口內擦之勿飲乳一時許卽差入門。俗呼此泡爲齒糞以鍼或指爪搔破點生蜜亦效。俗方。

小兒

初生穀道無孔不得大便急用金玉簪尖看其的處刺穿作孔以蘇合香丸少許作餅納孔中。

或以油紙燃紙住不令再合俗方。

小兒

初生不飲乳不小便大慈白一寸四破之。以乳汁煎銀石器灌入口中立效。得效。

小兒

初生嘔吐不能飲乳乃穢惡入口用黃連枳殼赤茯苓等分爲末蜜丸梧子大乳汁調下。丸灌入口中又木瓜生薑煎湯灌口中亦效。入門。

小兒

初生大小便不通腹脹氣欲絕急令婦人以溫水漱口了吸啞兒前後心並臍下手足心共七

處每一處凡啞三五次漱口更啞取紅赤色爲度。須臾自通不爾則效。三四。又慈白寸乳汁各半調勻抹兒口中與乳吮下卽通。回春。

小兒

初生小便不通急用生地龍數條蜜少許同煎勻敷陰莖上內用蠶退紙燒灰入朱砂龍腦麝

香各少許麥門冬燈心煎湯調灌口中卽通。入門。

小兒 初生大便不通先以履蔥尖，絛入肛門內，如不
下，用朱砂丸，朱砂水，飛南星，炮巴豆，霜各等分
右為末，糊丸，黍米，大薄荷煎
湯灌下，一丸即通。田氏方

小兒 初生撮口不乳，飲取牛黃二分，半調竹瀝灌入
口中，妙。又方赤足蜈蚣一條，去頭足，炙焦，研
如粉，每五分，以猪乳汁二合，
和勻，分二次灌口中，得效。

小兒 初生口內白屑，滿舌上，不能吮乳，謂之鵝口，急
以亂髮，纏指頭，蘸薄荷汁，或井華水，拭淨，如不
脫，用雄黃二錢，鵬砂二錢，甘艸一錢，龍腦二分，半
為末，蜜水調塗，或乾糝之妙。湯氏。又方鼠婦，取
取汁塗之，又白楊樹枝
燒取瀝塗之，神效。正傳

小兒 初生遍身無皮，但是紅肉，以白
早米粉撲之，候生皮乃止。入門
小兒 初生遍身如魚泡，如水晶，碎則水流，以
蜜，飽僧為末，搽之，因服蘇合香丸。入門

小兒 初生鼻塞，不通乳，不得下，取猪耳，老角，草烏各
等分，右為末，蔥涎調成膏，貼額門上。又天南
星為末，薑汁調和，
貼額門上，得效。

小兒 初生外腎縮入，取硫黃，吳茱萸各五錢，為末，以
大蒜汁調塗臍腹上，仍以蛇床子，燒烟微熏之。
妙。入門

小兒 初生發驚，乃胎驚也，朱砂，雄黃各等分，右為末，
取少許，猪乳汁調抹口中，即效。入麝香少許，尤
妙。丹心

小兒 初生遍體發丹，毒赤，漚遊走，若入腹，入腎則必
死，名曰赤遊，乃胎毒也，宜以細鍼，或砂鍼，隨赤
暈周匝刺出惡血，最妙，仍以芭蕉汁，蟻蟾汁塗之。
又赤小豆末，和雞子白塗之。又地龍糞二分，
煇硝一分，冷水調和塗之。又
溝渠中小鰕，搗爛付之。本草

本草綱目卷之六十一

六十一

單方 凡五十二種

朱砂 治產後敗血入心如見鬼祟朱砂一二錢乳汁三四匙調和納活地龍一條于藥衣轉取去地龍入好酒與乳汁和合七升盞

重湯溫分一二三服神效良方

大斧 治產後血痕痛取斧燒赤淬酒中取酒飲如鐵杵或杵鏗皆可燒赤淬酒飲之本草

伏龍肝 治橫逆產及子外腹中不出其母氣欲絕取伏龍肝一二錢以水調下其兒當頭戴土出甚妙難產三日不下伏龍肝細末一錢酒調服丹心

朴硝 治久胎不下朴硝細研半兩童便調服即效炮硝亦可丹心

石燕子 主難產孕婦臨產兩手各把一枚立驗本草

生地黄 治妊娠胎漏血不止胞乾即取生地黄汁一升酒五合煮三五沸服一二三次本草

芫蔚 即益母草也主產前產後百病能行血養血取莖葉搗取汁於銀石器熬成膏和酒服之最治難產及死胎胞衣不下或搗取汁一小盞和酒下合溫服本草

蔚子活血行氣有補陰之功命名益母以其行中有補也故曰胎前無滯產後無虛丹心

蒲黃 治產後出血太多發渴真蒲黃二錢白湯調下如渴甚并水調下本草

當歸 治婦人百病又治產後腹痛當歸末三錢水煎服名獨聖湯良方血刺痛用當歸乃和血之藥若血積刺痛宜用桃

仁紅花當歸頭丹心

芍藥 主婦人諸疾並產前後諸病又治血虛腹痛酒水煎服本草

艾葉 使婦人有胎又能安胎止腹痛胎漏生艾汁二盞阿膠白蜜各二兩煎至半服之又治胎動不安或腰痛下血不止艾葉半兩以酒煮服醋煮亦良本草

本草綱目卷之九

六十二

黃芩

產前安胎黃芩白朮效藥也。黃芩安胎聖藥也。俗人妄以溫熱之藥可養胎殊不知產前宜清熱養血。命血循經而不妄行故能養胎也。必取細旋沈實者用之。芩朮丸是也。丹心

紅花

主產後血暈口噤悶絕紅花一兩酒二盞煎至一盞分二服立效。十三方

玄胡索

主產後血暈及惡血衝心或兒枕痛欲絕為末酒服一錢立止。又玄胡索桂心各半兩當歸一兩右為末每二錢童便或熱酒調下得效

桂心

治產後血痕痛悶欲絕桂心為末狗膽汁和丸櫻桃大熱酒磨下。二九。本草

桑寄生

治胎漏不止能安胎令胎牢固。或煎服或為末服並佳。本草

蘇木

治產後血暈及惡露不下痛悶欲。蘇木一兩剉酒煎服。本草

桑螵蛸

主姪婦小使數不不禁右為末每二錢空心米飲調下。得效

鯉魚鱗

治產後血痕痛取鱗燒灰研酒服一錢能破滯血。本草

烏賊魚肉

主絕嗣無子久食令人有子。此魚腹中有墨主婦人血崩心痛甚者名曰殺血心痛小產下血過多而心痛者亦然取墨炒為末醋湯調下。良方

淡菜

主產後血結腹痛或因產瘦瘠血氣積聚可煮食之。本草

蛇蛻

治產不順手足先見者蛇蛻一條全者燒灰入麝香一字面東酒服一錢。夏以餘滓塗兒手足即順生。本草

藕汁

主產後煩悶及血上衝心痛生藕汁飲二升凡產後忌生冷惟藕不忌者為其能破血故也。本草

柑子皮

主產後浮腫酒煎服之。雷公云產後肌浮柑皮酒服是也。本草

蒲萄根

治孕婦子上衝心取根濃煮汁飲之即下而其胎亦安本草

桃仁

主婦人產後百病又治暑月產乳取涼大多成腹中積聚桃仁一千二百枚去皮尖雙仁熬搗細末以清酒一斗半研如麥粥入磁缸中密封口重湯煮一伏時取出溫酒和服一匙日再名曰桃仁煎千金○產後陰腫痛桃仁細研塗之及和五倍子枯白礬為末研桃仁為膏塗之正傳

胡麻油

胡麻即黑芥子也主胞衣不下生搗竿取油飲之即下本草

大麻根

惟生金易產麻根以水濃煎取汁頓服立產胎衣不下亦效本草

黑豆

孕婦月數未足子外腹中母欲悶絕及胞衣不下黑豆二三升醋煮取濃汁頓服立出本草

神麩

落胎並下鬼胎取末二錢和水服又濃煎取汁服本草

大麥蘖

能催生落胎取蘖一兩水煎服即產○又孕婦有病欲去胎服之即下本草

醋

治孕婦胎久不出醋二三升煮黑豆一升取汁服二升兒立出本草

冬葵子

主難產取子一合搗碎水煮服立產又灰胎不下搗為末和酒服本草

蔥白

治胎動不安或胎上捨心煩悶蔥白大者二十莖濃煮汁飲之胎未灰即安已灰即出神效本草

馬齒莧

主產後血痢腹痛搗取汁三合煎一沸下蜜一合攪服之本草

蘼蕪

主產後有血塊腹痛搗取汁和童尿溫服惡血盡下本草

雞子

主產後血暈風痙身強直口目閉斜雞子三箇取清調荆芥末二錢調下日三服本草○難產及胞衣不下雞子三枚

破入醋攪服立產本草

鹿角膠

能安胎止痛炒成珠作末以米飲調下二錢本草

阿膠

治難產困乏明膠二兩好酒一升半微火令溶入生雞子一枚鹽一錢攪勻溫頓服便產良方

東醫寶鑑卷之九

六十四

鹿角

主灰胎不出鹿角細屑一兩水一盞蔥白五莖豆豉半合同煎服立出本草

兔頭骨

主催生落胞並產後惡血不下兔頭骨和毛髓燒為灰作末酒下一錢妙本草

貓頭骨

治難產催生甚驗貓頭骨兔頭骨各一箇火煨研為末每一錢芎歸湯煎水調下即產狸

頭骨尤妙正傳

羊腎

主產後虛羸瘦弱無力羊腎一雙炮熟細切和五味作羹或作粥食良本草

豬腎

治產後勞骨節痛汗不止豬腎細切造稀臛和五味入米煮作粥食之本草○難產清油白蜜等分以豬肝煮

承調服即效入門

麝香

療產難又催生墮胎金產易取麝香一錢水調下本草

榆白皮

療胎灰腹中或母病欲去胎榆白皮煮汁服二升即下○婦人臨產月取末一錢日服

金產極易本草

甘竹根

治胎動不安甘竹根煮汁服之本草

苧根

治妊婦胎動欲墮腹痛不可忍苧根二兩剉銀石器酒水相半煎服妙肝後

瞿麥

破胎墮子○治產難經日不出或子灰腹中母欲死瞿麥煮取濃汁服之本草

車前子

治難產及橫逆產不得出炒為末酒服二錢本草

水銀

治胎灰腹中不出其母氣絕取水銀二兩吞之立出本草

大黃

治產後惡血衝心或胎衣不下腹中成塊大黃一兩為末醋半升同熬成膏丸如梧子大以溫

醋化五丸服之良久血下即愈本草

鍼灸法

男子無嗣者以鹽填臍艾炷灸之連日灸至二百壯必效綱目○婦人絕嗣灸關元二十壯

可報灸之。婦人姪子不成數墮胎灸胞門子戶各五十壯胞門在關元左邊二寸子戶在關元右邊二寸子戶一名氣門得效。○灸子宮三七壯或鍼入二寸穴在中極傍左右各開三寸綱目。○無子取陰交石門關元中極涌泉築賓商丘陰廉甲。○催生難產及下胎取大衝神合谷補三陰交瀉立時分解。○子上衝逼心取巨關金產母正坐使人抱頭抱腰微偃鍼入六分留七呼得氣即瀉立甦如子樹母心生下兒手心有鍼痕子頂母心兒人中有鍼痕向後則枕骨有鍼痕是其驗也神效綱目。○一婦人產後暴卒其母為灸會陰三陰交各數壯而甦其母蓋名醫女也資生。○橫生逆產諸藥不效急於產母右關小指尖頭上灸三壯即產亦治胞衣不下醫鑑云即至陰穴得效。○胞衣不下取二陰交中極照海內關崑崙綱目。○產後血暈取三里三陰交陰交神門關元綱目。○產後陰下脫灸臍下橫紋二七壯又取照海良方。○婦人無子或產後久不再孕取釋心一條長同

身寸之四寸令婦人仰臥舒手足以所量釋心自臍心直垂下盡頭處以墨點記後以此釋心平摺橫安前點處兩頭盡處是穴按之自有動脈應手各灸三七壯神驗即上听云胞門子戶穴也醫鑑

訂正東醫寶鑑雜病篇卷之十

